




ԳՐԱԿԱՆ, ԲԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆ ԳԵՐՈՐԴ ՏԱՐԻ

1910

№ 3

ՄԱՐՏ

Բ Ի Յ Լ Ի Ս

ԷԼԵՔՏՐՈՆԱԴ ՏՊԱՐԱՆ ՕՐ. Ն. ԱՂԱՆԵԱՆՅԻ ՊՈԼԻՑ. 7.
1910

ԲՈՎԱՆԴԱԿՈՒԹԻՒՆ

Ինչպէս կախուեցի. ուսանողի յուշերից. Ս. Բօճճօր.	3
* * բանաստ. Յար. Պետրոսեան	8
Մի օր. վէպ. Արսէն	9
Մեքիսպէիկ աե. Մուրատեանի նամակներ	18
Իմ ցաւը, բանաստ. Յար. Պետրոսեան	21
Տ. Յակոբ Գ. Ստեցի. Մաղափա աե. Օրմանեան	22
Պատմութիւն Սասանեանց և Իրանի նուաճումը արարա- ցիներէից. (Ա. Կրիմսկու). Մ. Շովրեան	27
Լեզենդներ Քրիստոսի մասին. Թարգմ. Արսէն սարկ. եւ Ն. Տէր Մանուկեան	35
Նորագոյն պատմագիտութիւն Կարլ Լամբոեխսի. Pes- simist	43
ՄԱՏԵՆԱԽՕՍԱԿԱՆ	
«Լ»-ի և «վ»-ի տեխնիկան: Գիւլս աֆ. Աղանեանց	53
ԱՄՍՈՒԱՅ ՏԵՍՈՒԹԻՒՆ	
Նախկապոստացուներ: — Խմբագրութեան կողմից: — Լուրեր: — Նամակ Խմբագրութեան:	57
ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ	
ՅԱՅՏԱՐԱՐՈՒԹԻՒՆՆԵՐ	

ՏՊԻՈՂԻՄ Է

ԳԻՒԹԱՆ

ՀԱՅՈՑ ՊԱՏՄՈՒԹԵԱՆ

Գ Ի Ր Ք Թ.

Յովսէփ Արղուքեան



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆ ԳԵՐՈՐԴ ՏԱՐԻ

1910

№ 3

ՄԱՐՏ

Թ Ի Յ Լ Ի Զ

ԷԼԵԲՏՐԱԿԱՆ ՏՊԱՐԱՆ ՕՐ. Ն. ԱՂԱՆԵԱՆԻ ՊՕԼԻՑ. 7

1910

ԻՆՉՊԷՍ ԿԱԽՈՒԵՑԻ

(Ուսանողի յուշերից)

Այն երեկոյ ես դժբաղդ էի ու լքուած...

Իմ բոլոր յոյսերս, երազներս ու վառ տենչերս խորտակուել ու հանգել էին՝ որպէս վերջալուսի վերջին գունատ շողերը...

Եւ հոգիս այդ աւերմունքի վրայ դառնապէս լալիս էր՝ վշտահարի կոծով:

Մեն-մենակ էի սենեակիս մէջ, ժամացոյցը կանգնացրել էի, որ չխանգարի ինձ, իմ միայնութիւնը ցաւիս հետ:

Նստած գրասեղանիս առաջ, մտքերի բեռով ծանրացած գլուխս կախած ցաւոտ կրծքիս՝ մտորում էի իմ վիճակի մասին... և ոչ մի ելք չէի գտնում...

Գնացի՛ն, աւաղ, բոլորը՝ գնացի՛ն, կորան անյատակ անդունդների մէջ, և՛ երազ, և՛ յոյս, և՛ սէր... էլ չկայ ոչ մի բան, որի համար արժենար ապրել, տանջուել և զգալ...

— Ի՞նչի համար ապրել, մտածում էի, — ի՞նչ կայ այս նզովուած աշխարհում... Իզուր ինչո՞ւ տառապել, ինչո՞ւ չարչարուել ու տանջուել, երբ փայլուն երազներս ու փայփայած իղձերս չեն կատարուելու, չեն իրականանալու:

Աչքիս առաջով անցնում էին՝ համալսարանը, պրօֆեսորները, ուսանող ընկերներս և մայրաքաղաքի աղմկոտ կեանքը իր լաւ ու վատ կողմերով: Մի տարի միայն տեսայ համալսարանը և նրա ինձ համար սուրբ պատերի մէջ՝ մի տարի միայն լսեցի դասախօսութիւններ, երկրորդ տարին չէր յաջողւում ինձ նորից մտնել այդ տաճարի շէնքը:

Միակ արգելքը՝ նիւթականի պակասութիւնն էր,
եւ ես դժբաղդ էի ու խեղճ...

Գլուխս ասիւնքիս մէջ առած, երկաւր-երկաւր մտածում էի:
Ճանր չկար...

Մտածելուց գանգա տրաքում էր. քունքերս ուռել
էին ու բորբոքուել: Ի՞նչ անէի, ուրիշ ելք չկար... Առաջ
քաշեցի մի փոքրիկ կտոր թուղթ, վրան մի քանի տող
բան գրեցի և դրի ծոցագրպանս:

Քիչ յետոյ ելայ նստածս տեղից, մի հայեացքով նա-
յեցի սենեակին, առարկաներին և իմ հաստափոր գրքերին,
որոնց վրայ այնքան անքուն գիշերներ էի լուսացրել:
Նայեցի ու թղթէ փաթաթը վերցնելով դուրս եկայ սե-
նեակից, աստիճաններով զգոյշ իջայ ցած և կամացուկ մը-
տայ պարտէզ...

Կէս գիշեր էր. թեթև քամին փչում էր մեղմ սլալո-
ցով, մտնում ծառերի տերևների մէջ և մի ընդհանուր
խուլ շշուկ բարձրացնում: Հորիզոնը ծածկուած էր միա-
պաղաղ գորշ ամպերով: Երբեմն ծառերից մի հատիկ վա-
ղաժամ ծերացած տերև ֆրֆրալով ընկնում էր գետին ու
լռում:

Անցայ ծառերի արանքով, մօտեցայ իմ սիրած հաստ
խնձորենուն և կանգնեցի նրա տակ: Նա ինչպէս միշտ,
այժմ էլ կռացած էր պտուղների բեռի ծանրութիւնից.
նրա տերևները մեղմ սւսւում էին և միւս ծառերին իմ
մասին ինչ որ գաղտնիք փսփսում: Թւում էր, որ նա
հասկանում է ինձ, գիտէ իմ դիտաւորութիւնս և թոյլ չի
տայ իրագործելու այն:

Շարժուեցի, պարանը գցեցի հաստ ճիւղից և սկսեցի
արագ-արագ կապել, որքան կարելի է ամուր:

Գլխիս մէջ քաօս էր. մտքերը խենթ ժխորով շարու-
նակ դառնում էին գանգիս մէջ. աշխատում էի չմտածել.
բայց չեղաւ, ակամայ անձնատուր եղայ: Ես մտածում էի,
թէ ինչպէս վաղը առաւօտեան մայրս, որ սովոր էր շուտ

վեր կենալ և պարտէզ մտնել, կգայ պարտէզ, կշրջի մի փոքր և կսկսի թափուած պտուղները հաւաքել կողովի մէջ. կարմիր խնձորներից մի քանիսը առանձին կվերցնի ինձ համար, ինչպէս անուժ էր միշտ, որ ես թէյից առաջ ուտեմ: Յետոյ այդպէս հաւաքելով կհասնի մեծ խնձորենուն և... կտեսնի ինձ կախուած... Չարգանդից մի վայրկեան կը քարանայ, աչքերը կչռի և... ուշաթափ կընկնի գետին կանաչների վրայ...

Այդ բոլորին ես երևակայում էի ինձ կախուած ծառի ճիւղից:

«Այնուհետև կգայ բոյրս, որ մօրս օւնի պտուղները հաւաքելուն, շարունակում էի ակամայ մտածել. նա ինձ չի նկատի, միայն կտեսնի, որ մայրս ընկած է գետնին... ճիշտ արձակելով ետ կփախչի տուն, դողալով, լքլքալով կիմացնի հօրս... Եւ հայրս, եղբայրս ու բոլոր մեր տանցիք սարսափած կթափուեն պարտէզ տեսնելու թէ ի՞նչ է եղել... և ի՞նչ կտեսնեն... կտեսնեն, որ ես կախուած եմ. լեզուս արիւնի փրփուրով ծածկուած դուրս է եկել ատամներիս շարքերից՝ կախ ընկել և աչքերս ճոթուել...»

Յանկարծ ծառը խշշաց. երկու խնձոր միասին պոկուելով ընկան ցած. մէկը գլորուեց, իսկ միւսը մնաց տեղն ու տեղը: Ես պարանը նորից ամրացրի...

«—Այդ բանը կտարածուի ամեն տեղ: Ընկերներս, բարեկամներս, բոլորը կիմանան ու կհաւաքուեն գլխիս... կվշիվան, կափսոսան և հետաքրքրած տխուր դէմքերով հարց կտան իրար:

—Ի՞նչից ստիպուած է այդպէս արել:

—Պատճառը ի՞նչ է:

Եւ կստանան պատասխան.

—Չէ՛ք իմանում:—Ո՞վ գիտի...

«—Լրագիրներում նոյնպէս կգրեն այդ մասին, որ այս ինչը՝ Ֆլան Ֆստանովը խեղդամահ է եղել, իրան ծառից կախելով: Թողել է մի թուղթ, որի վրայ գրել է հետեւալը.

«Կեանքը անիծուած է, ձանձրացայ նրանից և չուգեցայ ապրել»:

Հեռու քաղաքներում ընկերներս կկարդան և ապշութիւնից կքարանան: Ապա ամենքը մի մի ցաւակցական նամակ կգրեն ծնողներին՝ մխիթարելու համար...

Մտքերիս թելը կտրուեց այստեղ. հեռու ծառերի արանքում մի շշնջոց լսուեց. ինձ թուաց թէ մեր տանիցը մարդ է դուրս եկել նկատել, հասկացիլ են միտքս և հետևում են... Կռացայ, ուշադրութեամբ նայեցի շուրջս— ոչ ոք չկար. մի ինչ որ շուն էր, թռաւ, անցաւ ցանկապատի վրայից և կորաւ: Կրկին տիրեց խորհրդաւոր լռութիւն: Բայց յանկարծ բոլոր ծառերը միասին փսփսացին. թուաց թէ նրանք լրտեսում էին ինձ և հիմա խօսում ու բամբասում են իմ մասին...

«— Ինձ կդնեն դազադ, կաշխատեն կախուած լեզուս տեղաւորեցնել բերնիս մէջ, բայց չի յաջողուի, այդպէս էլ կմնայ... Բաւական լաց կլինին վրաս և կտանեն թաղելու. անկասկած ընկերներս կվերցնեն դազադս. գուցէ պսակ էլ դնեն... Կհասցնեն փոսի մօտ ու վայր կդնեն... ընկերներիցս մի քանիսը ճառ կկխօսեն, կդրուատեն ինձ որպէս բարի, ազնիւ երիտասարդի... Ու թաղելուց յետոյ յուղարկաւորները կցրուին. դարձեալ նրանք կհետաքրքրուին թէ ինչո՞ւ այդպէս արի. ոչինչ պատասխան չեն գտնի: Բոլորի միտքը կանգ կառնի այդ առեղծուածի առաջ...»

— Ինչ ուզում է թող լինի նրանց միտքը, շշնջացի չորացած շրթունքներովս: Եւ պարանը նորից ու նորից ամուր կապեցի, որ չբացուի:— Բայց վերջը, վերջը ինչ կասեն, անցաւ մտքովս յանկարծ և այդ ժամանակ միտքս ընկաւ չորս ամիս առաջ ինքնասպան եղած մի երիտասարդ, որ թունաւորել էր իրան: Նրա մահից յետոյ հասարակական կարծիքը շատ վատ էր, մինչև անգամ՝ սոսկալի: Նրան դատափետում էին, վախկոտ, թոյլ անուանում. նոյն իսկ մարդիկ հայհոյում էին, կանայք անիծում, որ վատ օրինակ է դառնում ուրիշների համար: Երիտասարդները

անողորմ կերպով քննադատում էին և այն եզրակացու-
թեանը հասնում այդ ընդհանուր կարծիքներից, որ նա
կեանքի գոռ կռուի մէջ եղել է թոյլ, անզօր, վատարի...
և այլն և այլն:

—Նոյնը կասեն և իմ մասին, անցաւ ուղեղովս ինչ-
պէս կայծակը մութ ամպերի միջով:—Թող ինչ ուզում
են ասեն... Ոչ, ոչ, մեռնելուց յետոյ էլ անուն հարկա-
ւոր է, յանկարծ կենդանի խօսքերով բարձր արտասանե-
ցի ես. և չհասկացայ թէ ինչ եղաւ ինձ, որ այդպէս յե-
ղաշըջուեցի մի ըրպէի մէջ:—Ես անզօր, թոյլ չեմ, ասա-
ցի ոգևորուած.—Մի՞թէ չեմ կարող մարդկանց օգտակար
լինել մի որևէ բանով...

Այս ասելով քաշեցի պարանը, ետ արի և դէն շար-
տեցի:

Այդ ժամանակ ծառերը ասես խօսքը մէկ արած մի
անգամից ոգևորուած բարձր շշնջիւն բարձրացրին. բար-
դիների տերևները ճքճքացին հրաշալի կերպով, և ես կար-
ծես վերածնուած, թեթևացած մի ինչ որ ծանր բեռից՝ ա-
ռաջ քայլեցի, բարձրացայ աստիճաններով, որոնց յաւէտ
հրաժեշտ էի տուել. մտայ սենեակս, հանգցրած լամպս վա-
ռեցի և թէև ուշ գիշեր էր՝ սկսեցի այս դէպքը գրել յու-
շատետրիս մէջ:

Սեպտեմբերը եկաւ, ես թողի համալսարան գնալու
մտադրութիւնս և մեր գիւղում ստանձնեցի ուսուցչի պաշ-
տօն: Ծառայեցի երկու տարի և մի գումար հաւաքելով
նորից գնացի շարունակելու...:

Ս. Բոճճօր.

* *

Հէյ ջա՛ն, գարո՛ւն, վառ ու սիրուն,
Նու՛ւս աւ անու՛ւս ծաղկունքով
Թո՛ւար հասար դու մեր աշխարհ
Սիրուն, անհուն երկնքով:

Հագա՛ր բարի, մեր աշխարհի
Ճանաչ կանաչ, ջա՛ն գարուն,
Ա՛յի մեր մասաղ սրերը դադ
Շա՛ս օանջուեցան քո սիրուց...

ՅԱՐՈՒԹԻՒՆ ՊԵՏՐՈՍԵԱՆ

ՄԻ ՕՐ ¹⁾

VI

Երկչոտ էի և վաւաշոտ:

Գաղափարով ոգևորուած մարդիկ շատ անգամ երեսայի տպաւորութիւն են անում: Այդպիսի մի հրեխայ էի դարձել և ես: Գրեթէ ամբողջովին նուիրուել էի իդէալիս—պատրաստուել, կատարելագործուել, ազատուել: Հաւատացած էի, որ վերջապէս ինձ կ'աջողուի նպատակիս, ըզձիս հասնել, ցանկալի միտքս իրագործել: Եւ աշխատում էի:

Կամքս չկարողացաւ կրթել: Ես յուսով էի հրաշքից յետոյ ինձ տեսնել փրկուած իմամենամեծ ախտերից՝ վաւաշոտութիւնից և երկչոտութիւնից: Համոզուած էի, որ զօրեղ կամքը յետ կմէր այդ զգուհի թերութիւնները: Իզո՛ւր: Կամքս չառողջացաւ: Հոգեկան զօրեղ արատներս մնացին չամբուած, չշտկուած:

Թուլասիրտ էի: Եւ ի՜նչ միջոցների էի դիմում այդ տխուր ախտից ազատուելու համար:—Ամպամած մութ ու մռայլ գիշերներին դուրս էի գալիս քաղաքից, հեռանում: Ձէի նայում ո՛չ ցըրտին, ոչ բքին: Նպատակս սրբագործել էր միջոցը: Ինձ համար այդպիսի գործերը պաշտամունքի առարկայ էին դարձել: Իմ մեծ, մեծ նպատակիս կարապետներն էին դրանք:

Եւ այսպէս մի շարք սուրբ միջոցներ:

Այնքան երկչոտութիւնը—երկչոտութիւն՝ հզօրների առաջ—չէր տանջում ինձ, որքան կրքոտութիւնը, կնասիրութիւնը: Կրքերը անսասնձ էին, բռնակալ և տիրապետող: Նրանց սանձելու համար բաւական մեծ ոյժ էր պէտք: Ես մեծ մարդ կլինէի, եթէ կարողանայի սանձել ինձ. բայց ինքս էլ շատ լաւ գիտէի, որ փոքր մարդ եմ ցանկութիւններիս, հաճոյքներիս և աղտեղի խոհերիս գիրի մի ջնջիւնութիւն:

Կրքերի, զգացմունքների մի լիառատ պաշար ունէի ես: Ինչպէս որ լեցուն բաժակից հեղուկը ամենաջնջին դրդումից անգամ դուրս է թափւում, այնպէս էլ կրքերս, զգացմունքներս դրդիչի էին սպասում արտայայտուելու համար: Մի փոքր, աննշան շար-

¹⁾ Լուծայ 1910 № 2.

ժառիթ—և նրանք երևան էին գալիս գարշանք ազդելու թէ հեղինակի և թէ ուրիշների վրայ: Ինքս էլ զգուում, գարշում էի իմ աղաոտ զգացմունքներից, կրքերից, բայց անկարող էի նրանց զսպել, սանձահարել:

Ամեն մի հայեացք, ամեն մի կանացի ձայն ինձ դիւթում, կաշկանդում էր: Երբեմն նայուածքս նետում էի որեւէ հանդիպող կամ դիմացս նստած՝ կնոջ դէմքին և երկար ու երկար, ապուշօրէն աչքերս չէի կարողանում հեռացնել, մինչև որ դէմքը չէին շրջում ինձանից: Գիտէի որ անբաղաճավարութիւն, ռամիկ, կոպիտ արարք է այդ: Ստիպում էի ինձ հայեացքս, գլուխս շրջել, կնոջ դէմքն ազատեմ կրքոտ նայուածքից: Բայց իդեմ: Կրքերն աւելի զօրեղ էին, քան թոյլ հրամաններս: Նրանք ոյժ էին ներկայացնում, սուր, պսպղուն գէնքերով, իսկ ես նրանց դէմ կուում էի բթացած, գոսացած բանականութեամբ, նուաղկոտ և դիւրաբորբոք նեարդերով: Իմ ջղային սխառեմբ չէր կառավարում բանականութեամբ, մտքով: Եթէ այդպէս լինէր՝ ես առաքինի կը լինէի: Նա ղեկավարում էր կրքերի օլիգարխիայով: Եւ իմ խեղճ ու կրակ միտքը, բանականութիւնը վէս օլիգարխիայի դէմ երկարածիք անշշան ճիգերից յետոյ հրատարակում էր իւրան հպատակ, հլու:

Նոր միջավայրում վճռեցի կանանց հասարակութիւնից խոյս տալ: Այդ սուրբ միջոցին հաւատարիմ մնացի միայն կարճ ժամանակ: Ես հասկացայ, որ սարդի ոստայն ընկած ճանճի դեր եմ յանձն առել, արիւնս վերջ ի վերջոյ պիտի ծծեն: Եւ իրօք հոգիս ենթարկուեց մի նոր բռնութեան: Նոր սարդը երևակայութիւնս էր: Վերջինս քշում էր ինձ դէպի այն շրջապատը, որից խոյս էի տուել: Հանգիստ նստած պարապում եմ: Իսկոյն տեսար գիրքը ձեռքիցս ընկաւ և հայեացքս ուղղուեց դէպի դուրս, պատշգամբի առաջ կանգնած բարդիններից մէկի սաղարթին: Ամբողջապէս համակում եմ կրքով: Ծառը փոխակերպում էի երևակայօրէն հազար ու մի պատկերների, իմ ծանօթ դէմքերի: Կանացի բոլոր հրապոյրները մերկանում էին իմ առաջ: Ես տեսնում էի ինձ թովիչ գրկի մէջ պարկած: Տեսնում էի վզիս փաթաթուած քնքոյշ բազուկներ: Ամենազգուելի հեշտասիրական տեսարաններ պատկերանում էին իմ առաջ: Մերկ կինը խեղդում էր ինձ, ճակատս պատում էին սառնորակ քրտինքի աղի կայլակները: Ազատուելու հնար չկայ... Անցնում է մի քանի վայրկեան, ես անշնչացած ընկնում եմ գետնի վրայ: Այդ մաշիչ ախտից ևս չկարողացայ փրկուել և մնացի ընդ միշտ տուփական պիղծ մտածութեան և երևակայութեան տէր մտաւոր անառակ, միկնոյն ժամանակ համոզուած լինելով և շատ

լաւ գիտակցելով, որ այդպիսի կեղտոտ մտածումները հոգու համար նոյնքան թունալից և կործանիչ զեղեր են, որքան ծխախոտը և ոգելից խմիչքները մարմնիս համար: Այսօրինակ դառն, խոշտանգիչ փորձերից յետոյ երբեմն վրաս գալիս էր յուսահատութեան մղձաւանջը ճնշում գործ դնելու: Ես բոլորովին յուսահատում էի, կորցնում իմ փրկութեան և կատարելագործութեան յոյսը, յատկապէս շեշտելով իմ եղծուած բնութիւնը բարոյապէս վերածնելու անձնական անընդունակութիւնս: Այդպիսի նեղ ընկերային ինձ համարում էի մի քիչ՝ հասարակական հսկայական օրգանիզմի մէջ, մի չնչին հիւլէ, մի աննշան ատոմ հանքային խոշոր, վիթխարի բեկորի կազմի մէջ: Ի՞նչ կը կորցնէ հասարակութիւնը, եթէ նրա բըշիջներէն մէկը հիւանդ է, փչացած է և անպէտք: Ի՞նչ կ'պակսի հանքային բեկորից, եթէ նրանից պոկեն և դէն շարտեն մի փոքրութեան պատճառով անտեսանելի ատոմ: Գրեթէ ոչինչ: Ուրեմն էլ ինչո՞ւ ամբողջ ժամանակ տենդային լարուածութեամբ ձգտել, յուսալ և տնքալ: Էլ ինչո՞ւ երազել կատարեալ ատոմ, հասարակական առողջ քիչ լինելու, քանի որ այն, չնչին հիւլէն, հասարակական կազմուածքի մէջ լինի չլինի համարեա թէ միևնոյն է: Երբեմն էլ ուզում էի փիլիսոփայական խորհրդածութիւններով մեղմել վրդովուած սիրտս, յուսահատ ու մորմոքուած գիտակցութիւնս:—Եթէ ես մի բան չեմ ցանկանում, ասում էի ես, ո՞վ կարող է ինձ հարկադրել, որ ցանկանամ: Եթէ ես չունիմ մէջս պարտքի գգացում, պարտականութեան գիտակցութիւն այս կամ այն բանը կատարելու համար, ո՞վ կարող է ինձ ստիպել, որ այս կամ այն պարտքի կատարումն ուսերիս վրայ առնեմ: Եւ հնարաւոր է մի թուլամորթ մարդու նոյնքան թոյլ վզին փաթաթել գործիչի հսկայական պարտականութիւններ: Մի մարդու, որ չի կարող զով շատրուանի ցայտացրի. հոսանքի նման դէպի վեր սլանալ, վերանալ նաև այն ժամանակ, քամին փշուր փշուր է անում ցայտուն հոսանքը: Ես խօլական քամու դէմ մարտնչող շատրուան չեմ, այլ հովտում խեղդուկ ձայնով հոսող առուակ, որ չի կարող բարձրացալ հոսանքներ արձակել: Ո՞վ կարող է ինձ հրամայիլ, ասելով՝ գործիր, ձգտիր, բարձրացիր: Գործելը—և ինչո՞ւ համար: Յառաջ քան գործելը ինձ համար պարզ պէտք է լինի այդ գործունէութեան նըպատակը, վախճանական կէտը: Ինչո՞ւ պէտք է գործեմ, աշխատեմ,—ահա հարցը: Եթէ այս խնդիրը չլուծուի, ոչինչ չի կարելի անել: Գործեմ, ժողովրդի երջանկութեան համար: Սակայն ի՞նչ գործ ունեմ ժողովրդի, հասարակութեան հետ. հասարակական երջանկութիւնս—ինձ ի՞նչ: Գուցէ պէտք է գործեմ փառքի համար: Լաւ: Ենթադրենք այնպիսի մի փառք ստեղծեցի, որով սկսեցի

մրցել Նապօլէօնի, Բայրընի համաշխարհային հռչակի հետ: Որ ի՞նչ: Դրանից ի՞նչ դուրս կգայ: Եւ դա մի յիմար սնապարծութիւն չէ, ի՞նչ է:

Երբեմնապէս այսպէս էի խորհում նոր կարդացած գրքերի զօրեղ ազդեցութեան տակ: Սակայն այդ բոլոր մտածումները սոսկ մտածումներ էլ մնում էին, և ես շարունակում էի իմ նախկին ճիգն ու ջանքը կատարելագործելու և պատրաստուելու համար: Հիւլէի և Բլիշի նշանակութեան հասկացողութիւնից յետոյ, շատ լաւ ըմբռնում էի և այն, որ մի քոսոտ ոչխար կարող է վարակել մի ամբողջ հօտ:

VII

Հոգիս դեռ մանկութիւնից էին փչացրել:

Միայն մեր սեփական ընտանիքը, իմ հայրական առունը չէր ինձ հարուած հասցրել, ֆիզիքապէս և բարոյապէս այլանդակել: Կար և մի այլ ընտանիք, որ իմ անկման գործին ամենագորեղ կերպով նպաստել էր: Հօրեղբօրս ընտանիքն էր դա:

Երկու հոգուց էր բաղկացած այդ ընտանիքը: Այր ու կին: Հօրեղբայրս մի տարօրինակ բնաւորութեան տէր մարդ էր: Խիստ կատակող, անհոգ և անտարբեր զէպի աշխարհն ու մարդիկ: Ո՛չ մէկին չէր սիրում. նրան ամեն ինչ ատելի էր, ամեն ինչ զգուանք ու ձանձրոյթ էր յարուցանում: Նա ծաղրում էր անխնայ, Ո՛չ մի սրբութիւն չէր ճանաչում: Ոտնատակ էր տալիս այն բոլորը, ինչ ուրիշների համար պաշտամունքի և յարգանքի առարկայ էր: Եւրիտասարդ հասակում նաւթային քաղաքը հրապուրել էր նրան ոսկով: Հայրենի քաղաքից դիմել էր տյգտեղ և մեծ կարողութիւն էր ձեռք բերել, ապրելով մի կարգ փողատէր, հարուստ երիտասարդների փչացած, զեղիս ու անբարոյ կեանքով: Ապագան նիւթականի կողմից ապահովելուց յետոյ, նա վերադարձաւ հայրենիք, աւելի ճիշտ ասեմ՝ բժիշկները խորհուրդ տուին կամ ստիպեցին այդպէս վարուելու: Անառակ կեանքը նրա հոգեկան կաղմը փչացնելով, ֆիզիքապէս ախտաւոր էր դարձել: Մի քանի բժիշկներ գուշակել էին վերահաս վտանգ—մահ: Սակայն հայրենիքի կլիման օգնեց նրան. մասամբ առողջացաւ: Հակառակ մի քանի բարեմիտ մարդկանց խորհրդին, որոնք նրան շատ լաւ էին ճանաչում, ամուսնացաւ: Կնոջ հետ ապրեց ամբողջ քսան տարի: Զաւակ չունեցաւ: Տառապում էր ներքին հիւանդութիւններով:

Նրա կինը տարաբախտ կանանց շարքին էր պատկանում: Խնոջները նրան գրեթէ ոյժով էին ամուսնացրել: Լսած լինելով

իւր ապագայ ամուսնու անուղղայ ընթացքի մասին, որ ամենագլխաւորն է՝ Ֆիզիքական նողկանք տածելով դէպի նա, չէր կամեցել ամուսնանալ: Սակայն հայրը և մայրը ստիպեցին: Աղջիկը մի զարմանալի գեղեցկուհի էր: Շատերն էին նրա ձեռքը խնդրել: Բագուից վերադարձած Կրեսոսն ևս աչք տնկեց նրա վրայ և առանց արգելքների ու խոչնդոտների առաջ կանգնելու՝ ամենահեշտ ճանապարհով հասաւ իւր նպատակին: Տեղեկացաւ աղջկայ հօր անապահով, նիւթական տեսակէտից աննախանձելի վիճակի մասին և մի մեծ գումարով ճանկը ձգեց առաջնակարգ հրիշտակին»:

Ինչ պէտք է լինէր այս տեսակ ամուսնութեան հետեւնը: Պարզ է: Կինը սարսափելի կերպով ատում էր ամուսնուն: Ֆիզիքական զգուհնքը միացած ամուսնու բարոյական այլանդակութիւնների մասին ունեցած գաղափարի հետ՝ կնոջ առջև մի անդունդ էին բացել: որով նա չէր կարող անցնել — ամուսնուն սիրել: Նրա անունն անգամ գարշանք էր ազդում բոնութեամբ ամուսնացրած կնոջը: Չկարողացաւ բացարձակապէս կռուել ամուսնու և նրա ընթացքի դէմ: Շրջապատի կեանքը նրան գրաւեց, հօգրապէս ներգործեց: Եւ նա սկսեց ուրիշների պէս ապրել: Կեանք էր վարում ամուսնու փողով, անուանապէս իւր ամուսնու սեփականութիւնն էր, սակայն ուրիշներին էր պատկանում թէ հոգով և թէ մարմնով: Նա խաբում էր ամուսնուն, վերին աստիճանի անհաւատարիմ էր: Հօրեղբայրս կնոջ վրայ այնքան էլ ուշադրութիւն չէր դարձնում: Մինչև անգամ, եթէ սուրբ էլ լինէր, ինչպէս ասում էր, նա չէր կարող հաւատալ կին արարածին: Նա սոսկալի կերպով ատում էր ընդհանրապէս կանանց վարք ու բարքը, հոգին ու հակումները: Նա կանանց մարմինն էր սիրում, իսկ այդ մարմինը նրան չէին մերժում: Եւ նա գոհ էր, որ կինը չէր պատճառում նրա ճահճացած կենցաղին որևէ զգալի ֆլաս, յուզում: Իսկ «մանր-մունր» դէպքերը, անպատեհութիւնները, ինչպէս գիշերները տուն չգալ, մեծածախս խնջոյքներ, բազմաթիւ ծառաներ, արդուզարդի ահագին մսխում, — այդ բոլորը և դրա հետ շատ ուրիշները նա համարում էր կնոջ «առաջին երիտասարդութեան սխալներից»: Յոյս ունէր, որ կնոջ «փութը շուտով կ'իջնի»:

Կինը բոլորովին ազատ էր: Կարող էր ապրել այնպէս, ինչպէս ուզում էր: Նրա առաջ խոչնդոտներ չէին դնում: Հիւանդոտ ամուսինը խօսք անգամ բաց չէր անում նրա ընթացքի մասին: Նա պատճառներ ունէր վախենալու: Նա կենսասէր մէկն էր, որ իւր անտարբեր բնաւորութեամբ հանդերձ՝ կեանքի վայելչութիւնները դժուարութեամբ ձեռքից բաց կ'թողնէր: Այսպիսի մի ամուսին ունենալով, հասկանալի է, թէ ինչպէս մի կ'ին, — որ ատում է:

բոլոր սրտով ամուսնուն և որի հետ բռնազբօսիկ կերպով է՝ ամուսնացել,—սանձարձակ և լկտի կենցաղ է սկսում վարել: Ուշադրութիւն ամենեին չէր դարձնում «մարդկանց հնարած բարոյական կապերին»: Ի՞նչ ազգական, ի՞նչ բարեկամ: Նրան երիտասարդ, թարմ, աշխոյժ մարմին էր հարկաւոր, սիրող ու կրակոտ սիրտ:

Բախտի բերմունքով այդ հրէշացած կինը, որ զուցէ աւելի նպաստաւոր պայմաններում լաւ կին և ընդունակ մայր լինէր, շատ վաղուց սկսել էր յանցաւոր սէր տածել դէպի ինձ, դէպի իւր ամուսնու տակաւին աշակերտ եղբորորդին: Միջոցներ ձեռք առաւ և ինձ, կրքոտ երիտասարդիս, 17—18 տարեկան հասակում ձգեց իւր լարած որոգայթի մէջ, որտեղից չկարողացայ դուրս գալ մինչև որ հայրենի քաղաքից խուսափեցի, զզուած լինելով թէ հօրս, թէ կրտսեր եղբորս, թէ քոյրերիս և թէ գլխաւորապէս իմ անձնական արարքներից: Ես խորապէս զգում էի, թէ ինչպէս հալւում-մաշւում եմ, օրէցօր հիւժւում, դալկանում՝ տայ իբրով ինձանից մեծ մի կնոջ հետ մօտիկ յարաբերութիւնների մէջ մնալով: Բարոյական գիտակցութիւնս, հրք զարթնեց իմ մէջ, հրք տեսայ, որ անպատկառօրէն պղծում եմ իմ հարազատ հօրեղբորս, արիւնակից ազգականիս անկողինը—արդէն ուշ էր, ես տարուել էի կրքերով, կնոջ հրապոյրները լռեցնում էին իմ մէջ, իմ հոգու խորքերում բողոքող ներքին յանդիմանութիւնները: Այս վերջինների ազդեցութեան տակ ինձ կորած էի համարում, միևնոյն ժամանակ խոստովանելով, որ ինքս անձամբ անկարող եմ դուրս գալ հոգուս վրայ ծանրացած զօրութեան ճնշումից: Զգում էի, որ փրչանում եմ, հիւժւում և կիսանքի համար անժամանակ անպէտքանում: Ես համարում էի ինձ վարակուած ներքին փտութեամբ գարշութեամբ և ցիխով: Պարզ տեսնում էի կորստեան անդունդը ոտքերիս առաջ բաց: Ես, լինում էր բոպէներ, համարում էի ինձ մի գերեղման, որ արտաքուստ է միայն գիղեցիկ, աչք և հայեացք գրաւող, բայց ներքուստ լիքն է անմաքրութիւններով և գեռուններով: Արարքներիս ամբողջ վատութիւնը գիտակցելով հանգերձ՝ ես մինչև վերջը մնացի հաճոյքներիս և կրքերիս ձեռքին խաղալիք, չկարողանալով երբևէ ազատուել նրանց կախարդիչ հմայութիւններից:

VIII

Իմ կատարելագործութեան ձգտումների և իղէալիս համարուն էի արդարացուցիչ պատճառների: Դրանցից մէկն այն ընտա-

նիքն էր, որից դուրս էի եկել և որի դէմ պայքարել էի ուզում։ Սակայն այդ դրդիչը դեռ բաւական չէր։ Բացի այդ՝ ունէի և երկու խոշոր պատճառ, շարժառիթ, որ իմ աչքերից քունը փախցրել էին և անդադրում ատիպում էին ինձ՝ հոգալու հոգեկան շինուածքիս և կենցաղիս բարիշրջիլու մասին։

Դոքա ինձ համար երկու շարժիչ գործօններ էին։

Ունէի մի ընկեր, որի հետ կապուած էի դպրոցական շրջանից, Արմայիս Ռուբէնեան էր անունը։ Դա մի խելացի, ժիր, տոկուն և մաքառող բնաւորութիւն էր, մի անվերջ եռանդի տէր երիտասարդ։ Աւարտել էր միջնակարգ դպրոց և ապա լսել էր գիւղատնտեսական դասախօսութիւններ։ Ինքնակրթութեան օգնութեամբ բաւական մեծ մտաւոր պաշար էր ձեռք բերել և քաշուել հայրենի քաղաքի միտակայ գիւղերից մէկը։ Ամուսնացել էր և գիւղի ուսուցչի հետ ձեռք ձիւրքի տուած գործում էին։ Նամակների մէջ Արմայիսը սկզբում գանգատուում էր իւր վիճակից, սակայն ոչ թէ մի կին կամ միւսին մեղադրելու դիտումով, այլ իւր անփորձութիւնն էր պախարակում և վրդովում, որ քաղաքային կենցաղը զրկել էր նրան ժողովրդի ոգին թափանցելու և նրան բան հասկացնելու այն յատկութիւնից, որ միայն ձեռք է բերում ժողովրդի հետ երկար ապրելով, հետը շփուելով և նրա կացութիւնը խոր ու բազմակողմանի ուսումնասիրելուց յետոյ։ Անցաւ մի քանի տարի և նրա գրութիւնների մէջ արտափայլում էր մի ոգևորուած ժողովրդական եռանդոտ ու յուսալից գործիչ։ Արմայիս Ռուբէնեանը խօսում էր իբրեւ մէկը, որ իւր ամբողջ ոյժերը նուիրել էր գաղափարի, գործի։ Նա պաշտում էր ժողովուրդը։ Ուրախ էր, որ առաջին տարուայ լքումն ու յուսահատութիւնը տեղի էին տուել և այժմ նրա մէջ հաստատուել էր մի ջիւր հաւատ դէպի գիւղի և շինականի կեանքի վերանորոգութիւնը։ Թէև նա նամակների մէջ—այդ նամակներից կարելի է մի պատկանելի հատոր կազմել—հանդէս էր գալիս իբրեւ գործի մարդ, թէև նրա գրութիւնների մէջ թիւր, հաշիւը մեծ տեղ էր բռնում, այնուամենայնիւ այնտեղ կարելի էր տեսնել և ժողովրդի շահերի մոլեռանդ երկրպագուի շատ անդամ խանդավառութեան հասնող սրտագին զիզումները, հոգեկան անձկալից յոյզերը։ Երբեմն նա իւր ոգևորութեամբ տարուելով՝ կոչ էր անում ընկերին դէպի գիւղական հասարակութիւնը իջնելու մասին։ Պարզում ու մեկնում էր գիւղական կեանքի հրապոյրները, թովչալի հրմայքները։ Բացատրում էր բնութեան մէջ ապրողի սրտի ու մտքի թարմութիւնը, հոգեկան թրթիռների ելեէջերը։ Խօսում էր այն սիրելի վայելչութիւնների մասին, որ ձեռք է բերում գործիչը,

համոզուած լինելով այն գիտակցութեան մէջ, թէ ինքը գործում է ընդհանրութեան, կարօտողների օգտի և լուսաւորութեան համար: Անձնական նեղ սահմաններից դուրս նայելով՝ գործիչը դիտում է մի հսկայ, մեծ կեանք, ուր տանջւում և ուրախանում է հողի մարդը: Շնչում է նրա հետ նոյն օդը, ցաւում է նրա ցաւերով, խնդում նրա վայելքներով: Եւ որքան քաղցր է այսպէս երջանիկ ապրելը, քանի՜ հրապուրիչ կողմեր ունի իւր մէջ, որքան փափաքելի:

Ինձ շատ էր գրաւում գործիչ ընկերիս եռանդը: Ես ոգևորւում էի Արմայիսի ծրագիրներով և նրանց եռանդոտ իրագործումով: Պէտք է խոստովանեմ, որ շատ շուտ ոգևորուել գիտէի. սա իմ էական յատկանիշներից մէկն է: Միայն և եթ ոգևորուել, Նամակների ընթերցումից անցնում է մի չնչին ժամանակ և իմ սրբաւում լուում էին և ոգևորութիւն, և՛ եռանդ, և ծրագիրներ: Եւ նրանց տեղը բռնում էր մի զարհուրելի սառնութիւն, որ քարացնում էր ամբողջ էութիւնս:

Նախանձում էի Ռուբէնեանի եռանդին, կամքի ոյժին և անսայթաք հետեւողականութեան: Սրտիս խորքում պաշտում էի նրան: Դիտէի յարգել ընկերիս ինքնավստահութիւնը: Սակայն արտաքուստ այդպէս չէր: Ես կծու հեղնութեամբ էի վերաբերում Արմայիսի համարձակ քայլին: Նրա ականջից հեռու խօսակցութիւնների մէջ «գիւղի ասպետ» ծաղրական մակդիրն էի կպցնում նրա անուան: Թոյլ բնաւորութեան յատուկ գիծն է—ատել 'ի հարկէ արտաքուստ՝ ինչ սիրում է և ընդհակառակը:

Ո՛չ միայն նախանձում էի ընկերիս անձին, նրա սեփական հոգու պայծառ յատկութիւններին, այլ և այն ընտանիքին, որտեղից ծնուել էր մի այդպիսի անհատ, ամբողջովին գործունէութեան կրակով վառուած, որի խօսքը և գործը զուգընթաց էին գնում, առանց իրար հակասելու:

Շատ անգամ եմ համեմատութեան մէջ դրել մեր և ընկերիս ընտանիքը: Դրանիկեանների և Ռուբէնեանների միջև ես միշտ մի սոսկալի անդունդ եմ տեսել: Անանցանելի, խոր ու մթին ճեղքուածով բաժանուած էին այդ երկու ընտանիքները: Նրանց միջև կամուրջ ձգելու, հաղորդակցութեան և առնչութեան կէտեր գրտնելու համար տրամադիր էի դարձեալ իմ ամենակարող հրաջքին դիմելու: Մինչև անգամ մի վէպ էլ էի գրել «Եղեմ և Գեհեն» խորագրով, որտեղ ես պարզ գծերով նկարել էի իմ հայրական տունը և նրան ամեն կողմից հակադրել էի ընկերիս ընտանիքը: Մի օտարոտի և վէպի համար անսովոր յառաջաբան էի կցել այդ գրուածքին, որտեղ հետեւեալն էի յայտնում իմ կարծեցեալ ընթեր-

ցողներին. «Թող ընթերցողները չզարմանան, որ այս վէպի մէջ դուրս բերուած ընտանիքները բացարձակապէս հակադրութիւն են կազմում: Ես երբեք տրամադրութիւն և դիտաւորութիւն չեմ ունեցել հրեշտակ և սատանայ դուրս բերելու: Ես կեանքի տուած փաստն եմ արձանագրել, համոզուած լինելով, բացառիկ վիճակներ չեմ հանդէս բերում, այլ մեր տխուր կեանքում սովորական դարձած երևոյթներ»:

«Եղեմ և Գեհեն» վէպիս մէջ Դրանիկեանների ընտանիքը ներկայացնելով՝ նրա լոյսի պէս պայծառ էական ընտրող գծերի նկարագրութիւնը տալով, վերցրել էի մի առ մի այն բոլոր յատկութիւնները, որոնցով օժտուած էր այդ ընտանիքը և ցոյց էի տուել դրա հակատիպաբար միւս ընտանիքում: Իմ այդ արարքը վէպիս վերնագրութիւնը արգարացնում էր:

Մէկ ընտանիքում կեանքն ամեն կողմից գեղեցիկ է, զրաւիչ, բնական: Միւսում՝ տգեղ, ատելի, շինծու:

Երիտասարդ, թարմ և աշխոյժ երկու հոգիներ սիրել էին միմեանց: Դրանք իրար համապատասխան բնաւորութեան տէր երկու անհատներ էին, որոնց համար բախտը վիճակել էր ամուսնութեան համակերելի կապերով շաղկապուել: Եւ շաղկապեց: Նրանք ամուսնացան և ապրում են ուրախ և երջանիկ կեանքով: Սէրը միշտ անպակաս է նրանց մէջ: Այդ սէրն է, որ ամուսնուն կապում է ընտանիքի հետ, նրա առաջ փակելով արտաքին աշխարհի լպիրշ մեղկութիւնները, զղուելի, անառակ կեանքը, վերջինիս կորստաբեր հրապոյրներով: Սէրն է, որ դեռատի կնոջը միացնում է անքակտելի կապերով ամուսնու վիճակի և քախտի հետ, հեռու պահելով նրան անհաւատարմութեան ախտերից: Այսպիսի ամուսնութիւնից է ծնւում վէպիս հերոսը, որի ջանքը—ազատել միւս ընտանիքից դուրս եկած մի խեղճ երիտասարդի՝ ապարդիւն է կորչում:

Միւս ընտանիքն այդ կերպ չէր կազմուել: Փոխադարձ սէր ասուած բանը գոյութիւն չունի: Երկու անհատների ստիպում են ամուսնանալու: Ո՛չ տարիքով են միմեանց յարմար, ո՛չ բնաւորութեամբ, ո՛չ ձգտումներով: Տարիները իրար ետևից անցնում են դժբախտ ընտանիքի վրայով՝ չբերելով նրա համար երջանկութիւն և ուրախութիւն: Այնտեղ տիրում է մի թշուառ, անխորհուրդ և անմիտ կեանք, որ հետզհետէ կարծրացնում է տան անդամների սրտերը, մտքերը և հոգիները: Երկուսն էլ, այդ ու կին, մարմինների հետ գործ ունեն: Տղամարդը մի կնասէր, մարմնապաշտ և զիւրաբորբոք խառնուածքի տէր անձն էր: Կինը զիտէ ամուսնու անզգամ արկածների պատմութիւնը: Նա տանջւում էր, որ ա-

մուսիկն ըստ իրանից ուրիշ կանանց էլ ծանօթ է, բայց կուր մղելու արիութիւն չունի, ուստի և տանջուած է, տապակուելով իւր սեփական իւղի մէջ: Նա խեղդուած էր խանդի, մախանքի ճիրանների մէջ: Իւր տգէտ, կարճ խելքով, անմիտ միամտութեամբ ուղուած էր միայն իւր տրամադրութեան տակ տեսնել ուրիշներին ևս պատկանող ամուսնու մարմինը: Սակայն իզո՞ւր:

Ճշտօրէն վէպիս մէջ տուել էի թէ մեր տան և թէ գիւղատնտես Արմայիսի ընտանիքի պատկերը: «Մաքրեցէք միջավայրը, կրթեցէք կանանց, ասում էի վէպիս հերոսի բերանով, թոյլ տուէք մարդկանց ազատ շնչել, փրկեցէք նրանց անմաքուր կաշկանդումներից, բռնութիւններից—և մենք կունենանք մի առողջ, գործունեայ և պէտքական սերունդ»:

ԱՐՍԷՆ

(Կը շարունակուի)

ՄԵԼՔԻՍԵՏԵԿ ԱԵ, ՄՈՒՐԱՏԵԱՆԻ ՆԱՄԱԿՆԵՐ

1 Դեկտ. 1894

Շնորհամիտ Տ. Դիւտ Ք. Աղանեանց

Շնորհամիտ սիրելի

Մի շատ գեղեցիկ և թանկագին նուէր զրկած էք ինձ ընթերցասիրելու, այն է Դիւան Հայոց Պատմութեան, Գիրք Գ. Սիմէօն Վաթողիկոսի յիշատակարանը կենսագրութեամբ եւ յաւելուածով ու ծանօթութիւններով:

Մեծ հաճութեամբ կը շարունակեմ ընթերցումս. բայց տակաւին չաւարտած բարեութեամբ կը համարեմ թէ անկեղծ խնդակցութիւնս ու շնորհակալութիւնս յայտնել և թէ առանց դատողութեան չը թողուլ մի կէտ, որ տխուր տպաւորութիւն ունեցած է վրաս:

Ձեր Յառաջաբանին մէջ արտատպած էք Արծաղանքէն մի նշանաւոր անձի քննադատութիւնն, որ ցաւ է ասել թէ աւելի արատ կը բերէ Ձեր հրատարակութեան քան թէ պատիւ: Այդ նշանաւոր անձն, իւր պատմական սխալ և թիթեամիտ դատողութեամբ, կ'անուանարկէ ներկայ դարուս ամենէն նշանաւոր և անձնուէր եկեղեցական Հովուապետն Ներսէս Ե. Աշտարակեցի, որ Հայաստանեայց եկեղեցւոյ անկախութիւնն պաշտպանելու համար թուաւորեցաւ և գրիչ 'ի ձեռին անկաւ իւր գրասեղանին առջև:

Այսպիսի մի նահատակ և անձնադիր Հովուի համար կը գրէ յիշեալ նշանաւոր անձն թէ «Դանիէլ կաթողիկոսն շատ թոյլ կամքի տէր մարդ էր, այդ պատճառաւ գուցէ Ներսէս և Մանուէլ վարդապետները նման կը քրտ... մարդիկ դրան ջերմ կուսակից դարձան, որովհետեւ նոքա յոյս ունէին նորան իւրեանց ձեռքում գործիք շինել: Ներսէսն էր և ոչ Դանիէլն որ Սինհոգոս ստեղծեց»: Մինչդեռ պատմութենէն պարզապէս յայտնի է, որ Ներսէս միայն միաբանական ժողով կազմած է. ինչպէս սովորական է ամեն վանուց համար, և ոչ երբէք սինհոգոս, ինչպէս որ Ներսիսի կազմած կառավարիչ ժողովն միաբանութեան, խանգարուած է եփրեմ կաթողիկոսի հրաժարումէն և նոյնիսկ Ներսիսի քսորումէն զկնի:

Նոյն նշանաւոր անձն շատ անհիմն դատողութեամբ ասում է.

«Ըստ մեզ օրինաւոր կաթողիկոս պէտք է ճանաչել Դաւթին, որովհետեւ նա օծումն ընդունեց Ս. Էջմիածնի տաճարում... Իսկ Դանիէլն Իւշ Գիլիսէում (Ս. Յովհ. վանքը) յարելով միանգամայն, «ինչպէս որ չենք ընդունիլ այն Ս. Միւռոնը, որ Ս. Էջմիածնում չի լինիլ, եպիսկոպոս չենք ճանաչիլ նորան, որ ս. Էջմիածնում կաթողիկոսից ձեռնադրուած չլինի, այնպէս եւ չենք կարող օրինաւոր ճանաչել այն կաթողիկոսին, որ Ս. Էջմիածնումը օծուած չի հղել»:

Որչափ բառ, նոյնչափ տգիտութիւն: Երևի թէ նշանաւոր անձն բոլորովին անգիտակ է Հայոց եկեղեցւոյ պատմութեան և բնաւ ուշադրութիւն դարձուցած չէ, որ Հայոց կաթողիկոսութիւնն, պատմական հանգամանքներէ ստիպուած, դարերով աւելի ուրիշ վանքերու մէջ ապաստանարան ունեցած է քան թէ Էջմիածնում:

Այդ նշանաւոր անձն արդեօք չընդունիր որ Սսոյ և Աղթամարայ կաթողիկոսութիւններն, ինչպէս և իրենց ձեռնադրած եպիսկոպոսներն, Հայոց եկեղեցւոյն կը պատկանին: Զարմանալի է, որ այդ անձուկ և թափու հոգւով գրուած քննադատութիւնն մուտ գտած է Ձեր պատմական յոյժ կարևոր Յիշատակարանի Յառաջարանին մէջ:

Նշանաւոր անձն այնչափ յառաջ կ'երթայ, որ կը յանդգնի ասել. «Պէտք է նկատել, որ Ներսէս Արք եպիսկոպոսն կուրացած՝ իւր կրքից և վրէժխնդրութիւնից՝ ԲէսԱրարիայից խրախուսում էր ըմբոստ միաբանութիւնն, բայց կաթողիկոսն դիմադրում էր... երբ Ներսէս կաթողիկոս կը դառնայ, ոչ միայն իւր ստեղծած Սինօդի միջամտութիւնն կը մերժէ այլ և պալածենիւն»:

Պալածենիայի և Սինհոգոսի հաստատութեան պատմական ամեն մանրամասնութիւններն հաստատուն փաստերով հրատարակուած են և կը սոսկայ մարդ, երբ կը տեսնէ թէ նշանաւոր անձն այս ամենն անտեսութեան տալով, Ներսիսին կը վերագրէ Սինօդի և Պալածենիայի ստեղծումն: Այս մի բացարձակ ըմբոստութիւն է պատմութեան և նոյն իսկ Ներսիսի անձնագոհութեան դէմ, որ դժբաղդաբար իրեն նման յաջորդ չ'ունեցաւ Հայաստանեայց եկեղեցւոյ ազատութիւնն և Հայոց Հայրապետութեան անկախութիւնն պաշտպանելու համար:

Փափագելով 'ի բոլոր սրտէ Ձեր ձեռնարկած շահաւոր գործոյն կատարեալ յաջողութեանն

Մնամ Հայրական սիրով և ողջունիւ

Մելի. Եպ. Մուրադեանց

ԻՄ ՑԱԻՐ.

Ես պահեցի մի գաղսնի ցաւ
Սրիս խորում վշահաւ.
Եւ նա անեց ու զարգացաւ
Եւ բռնկուեց բոցավառ:

Ու իմ հոգին այդ հրդեհով
Կրակ կտեց սանձարձակ,
Շանթ ու կայծով, հրեղէն թափով
Վեր սլացաւ համարձակ:

Յարութիւն Պետրոսեան

Տ. ՅԱԿՈԲ Գ. ՍՍԵՑԻ

201. Յակոբի անունը երբեք յիշատակութեան արժանի բան մը պիտի չունենար, եթէ չհռչակուէր Գրիգոր Տաթևացիի հետ ունեցած թղթակցութեամբը: Յակոբ յաջորդած է Կարապետի, անոր մահուընէ կամ հեռացումէ ետքը (1408), զօրութեամբ այլազգի ամիրային և միջնորդութեամբ Սսոյ գլխաւորներէն և եպիսկոպոսներէն ոմանց: Սսեցի կոչուած է նա, որովհետև գործերուն ընթացքէն կը յայտնուի, թէ Սիս քաղաքի բնիկներէն կամ հաստատուն բնակութիւն ունեցողներէն է: Իւր նախընթացին վրայ բնաւ տեղեկութիւն չունինք: Իւր կաթողիկոսանալուն հաւանակորդներ ալ ունեցած է, սակայն ամիրային պաշտպանութեամբ զօրացուցած է իւր զիրքը, թէպէտև տևական չէ կըրցած ընել, որովհետև հազիւ երկու տարի խռովեալ պաշտօնավարութենէ ետքը, զեղակուր սպանուած է, նոյն իսկ կաթողիկոսարանի միաբաններէն (1411): Քաղաքական պարագաներու համեմատութեամբ, Յակոբ Գ.-ի կաթողիկոսութեան տարիները կը պատասխանեն Քարա Եղսուֆի զօրանալուն առաջին օրերուն: Կիլիկիա համեմատաբար հանդարտ վիճակ ունեցած է այդ միջոցին, որովհետև Քարա Եղսուֆ աւելի արևելեան գաւառներուն մէջ կը կատարէր իւր արշաւանքները:

202. Գրիգոր Տաթևացի, ինչպէս յիշեցինք, Վասպուրականցի վարդապետներուն հրաւերներով, Վասպուրական եկած էր, իւր ծագման երկիրը (1409): Այդ միջոցին ներքին հակառակութիւններ ևսքանդեալ կը պառակտէին Աղթամարի կաթողիկոսութիւնը, որուն գահակալն էր Դաւիթ, Զաքարիա Նահատակի եղբայրը, և որ տանողվեց տարիէ ի վեր պաշտօնի վրայ էր: Վասպուրականցի վարդապետներէն ոմանք Որոտնեցիին հին աշակերտներէն էին, նշանաւոր խումբով մըն ալ վերջերս Տաթև գացած էին, մեծ վարդապետանոցին սկզբունքները ընտանի դարձած էին Վասպուրականցոց, որոնք յաջողեր էին նոյն իսկ Տաթևի մեծ վարդապետը իրենց մօտ բերել: Տաթևացին կը գտնուէր Մեծփայ վանքը: Այդ ամէն պարագաներու առջև աննշանակ պէտք չէր մնար Աղթամարի աթոռը, որ իբր հակաթոռ հաստատուած էր Գրիգոր Գ. Պահ-

լաւունի ընտրութեան օրէն (1113), և նշովուած էր Սեաւեոի ժողովին վճռով (1114), Կըսուէր թէ Գրիգոր Ե. Անաւարդեցի (1305). վերուցած էր նշովքը և Աղթամարի աթոռն ու ժողովուրդը հոգևոր կապանքէն արձակած (Կալ. ա. 439), սակայն կերևի թէ Անաւարդեցիին անունին հետ իւր գործն ալ անարժէք էր մնացած, կամ թէ բոլորովին անհիմն զրոյց մըն էր Անաւարդեցիին արձակած լինելը. որ ժամանակակից պատմիչը (Մեծոփ. 52) յայտնապէս կը գրէ, թէ Աղթամար տակաւին հին կաթողիկոսներուն կապանքին ներքև մնացած էր: Աղթամարի երկպառակութիւններուն մանրամասնութիւնները մեզի չեն հասած, բայց Տաթևացի մեծ նշանակութիւն տուաւ անոնց, և իւր աշակերտակից ու աշակերտ Վասպուրականցի վարդապետներուն հետ մեծահանդէս գումարում մը կազմեց Մեծոփի վանքին մէջ (1409), որ այն առին Վասպուրականի կենդրոնն է նկատուած, և մերժելով Գաւթի կաթողիկոսութիւնը և ընդունելով Յակոբի իրաւասութիւնը, հռչակեց Ամենայն Հայոց աթոռին իշխանութիւնը, և Աղթամարի աթոռին ժողովուրդը կամ Վասպուրականցիները արձակեց հին կապանքէն (Մեծոփ. 52):

203. Որչափ ալ մեծ ըլլայ Տաթևացիին արժանիքը, դիրքն ու կարողութիւնը, սակայն հնար չէ՝ ենթադրել, որ Տաթևացին համարձակած ըլլայ վերցնել ու ջնջել վճիռ մը որ ազգային ժողովով մը դրուած էր, և բազմաթիւ հայրապետներէ հաստատուած, և ոչ ալ կրնայ կարծուիլ թէ Մեծոփի գումարումը իւրովի տուած ըլլայ այդ լուծումը առանց կաթողիկոսական աթոռին մասնակցութեան: Ինչչափ ալ Սոսյ աթոռը աղաւաղ վիճակի մէջ ինկած էր, և անարժան աթոռակալներ զայն գրաւած էին, սակայն այն չէր դադարած Ամենայն Հայոց կաթողիկոսութեան շարունակութիւնն ըլլալէ, որ է ըսել, գերագոյն իրաւասութեան տէրն ըլլալէ: Այդ տեսութեամբ, նոյն ինքն Տաթևացի մեծ վարդապետը, Աղթամարի ժողովուրդին արձակումն ու Աղթամարի աթոռին կացութիւնն, օրինաւորութեան վիճակի վերածելու համար, դիմած է Սոսյ Յակոբ կաթողիկոսին, յատուկ ու պատուազիր նամակով մը, զոր պահած է Մեծոփեցին (Չամ. Գ. 456), յորում կը գեկուցանէ, թէ Աղթամարի աթոռը ներքին պառակտումներով քանդուած է, թէ ինքն ալ զայն պաշտօնապէս հռչակած է, և թէ յատուկ շրջաբերական թղթով հրատարակած է զայդ Աղթամարի սահմաններուն մէջ և արտաքոյ, և կը խնդրէ որ կաթողիկոսական իշխանութեամբ այդ գործողութիւնները հաստատէ: Նոյն գրութեամբ կը հաստատէ, թէ Աղթամարի հպատակութենէն երեք գաւառներ կը սպասեն որ իրմէ ձեռնադրուած եպիսկոպոս և իրմէ օրհնուած մեռն

ստանան, և կը վստահացնէ որ ուրիշ գաւառներու վրայ ալ կը տարածուի այդ երեք գաւառներուն օրինակը, և գլխաւորապէս Ոստան գաւառին վրայ, որ տակաւին հաւատարիմ կը մնայ Դաւիթին ու Աղթամարին: Երեք գաւառներէն մէկը հարկաւ Արճէշն է կամ Քաջբերունեաց գաւառը, ուր կը գտնուէր Տաթեւացին. միւս երկուքներէն մէկն ալ հաւանաբար Վանն է, թէպէտև երեքին ալ անունները յիշուած չեն: Տաթեւացիին կատարած գործին գլխաւոր հետեանքն եղաւ Աղթամարի իրաւասութեան սահմաններն ամփոփել, այժմ ալ Վասպուրականի կողմէն կը փակուի Ոստանով, որ է Ռշտունեաց գաւառ: Իսկ Տոսպ ու Քաջբերունիք ու Առքերանի, որ է Վանը ու Արճէշ ու Բերկրի, ելած են Աղթամարի իրաւասութենէն:

204. Յակոբ կաթողիկոս, չափազանց ուրախացած այդ յաջողութեան վրայ, օրհնութեան կոնգակ մը յղած է Վասպուրականցիներուն, ուստի փոքրիկ հատուած մը միայն ունինք մեր ձեռքը (Չամ. Գ. 456): Ի հարկէ յղած է խնդրուած միւսոնը, և եպիսկոպոսներու համար ալ յարմար տնօրինութիւնն ըրած, Աղթամարի Դաւիթ կաթողիկոսն ալ իւր կողմէն անգործ մնալ ուզած չէ, և այլազգի ամիրայն իւր կողմը շահելով, ուզած է վրէժ լուծել Մեծոփի գումարման գլխաւոր դերակատարներէն ու ժողովուրդէն: Ինչչափ ալ իրմէ բաժնուող երեք գաւառները չէ կրցած վերստին իրեն հպատակեցնել, այլ Մեծոփի ժողովին զըլխաւորները հարկադրուած են գաղտագողի փախուստով այն կողմերէն հեռանալ և վտանգէ ազատիլ (Մեծոփ. 53), գուցէ ոմանք ալ Դաւիթի վրէժխնդրութեան զոհ են գացած: Փախչողներուն գլխաւորներն եղան Դրիգոր Տաթեւացի և Յովհաննէս Մեծոփեցի, որք մաղապուր ապաւինեցան Սաղմոսավանք, ուր առաջնորդ էր իրենց աշակերտակիցը, Յակոբ վարդապետ. անկէ ալ անցան Տաթեւ: Վասն զի Առաքել եպիսկոպոս, յատուկ խնդրակներ ղրկելով իրեն մօտ բերել տուաւ յիշեալ երկուքը, ուրիշ իրենց ընկերներով, որոնց մէջ կը յիշուին Թովմաս Մեծոփեցի պատմագիրը, Մկրտիչ Մեծոփեցի, Յակոբ Ռշտունի, և Մկրտիչ Բերկրեցի (Մեծոփ. 61): Այդ ամէն եղելութեանց հետեանքն եղած է, որ Աղթամարի կաթողիկոսութիւնը փոքրացած է, բայց ջնջուած չէ: Միևնոյն ատեն իւր կղզիացեալ վիճակէն ելնելով, ընդհանուր ազգին գործերուն մասնակցիլ սկսած է, ինչպէս յետագայ դիպուածներ պիտի ցուցնեն, մինչև իսկ Ամենայն Հայոց աթոռին տեղափոխութեան գործակից լինելով:

205. Դրիգոր Տաթեւացիի կատարած այդ տաժանակիր տեղափոխութիւնը, և ձմեռնային եղանակի մէջ Մեծոփէ Սաղմոսավանք

և անկէ Տաթև փախստական ուղևորութիւնը, ֆլասեցին իւր առողջութեան. և կատարեալ հիւանդ վիճակի մէջ հասաւ Տաթև: Վերջին օրերուն մէջ իւր բոլոր ճիգը թափեց աշակերտներէն ոմանց մեծ վարդապետութեան գաւազան տալ, ամենքը խրատներով զօրացուց. և ինքն ալ աղօթքներով կաղզուրուած, Տաթև հասնելուն ութերորդ օրը վախճանեցաւ. Ս. Ստեփանոսի նախավկայի տօնին օրը (1410 զեկտեմբերի 25): Իւր ուղեկիցը, Յովհաննէս Մեծոփեցի վարդապետն ալ, աւելի երկարակեաց չեղաւ, և քանի մը ամիս հիւանդութիւն կրելէ ետքը, նա ալ ի յարութեան օրն զնաց առ Բրիստոս: Այլ կ'երևի թէ ոչ բուն զատկի օրը, այլ մեռելոցին, վասն զի կը յաւելու պատմիչը (Մեծոփ. 61) ի նոյն յօրն որ ասի Անսկիպըն Աստուած (1411 ապրիլ 13): Տաթևացիին դառնալով շատ երկարել պէտք չեմք սեպեր անոր յարզն ու արդիւնքը բացատրելու: Մեր տօնացոյցին վերջին սուրբ է, ազգային խիղճին վկայութեամբ այդ մեծ պատուոյն արժանացած: Եկեղեցական պատմութեան մէջ ալ վերջին փայլուն անունն է, որ դժբախտ և անկեալ տարիներու մէջ բացառապէս կը փայլի, և արդիւնաշատ եղած է, իւր վարդապետին, Յովհաննէս Որոտնեցիին, գործը շարունակելով, Ունիթորներու ազդեցութիւնը կոտրելով, և լատինամիտ ուղղութիւնը ազգին մէջէն հեռացնելով: Շատ են Տաթևացիին երկասիրութիւնները, որոնց մէջ բազմաթիւ են Սուրբ Գրոց, եկեղեցական հայրերու, և արտաքին փիլիսոփաներու մեկնութիւններ: Հարցմանց գիրքը, իւր ոճով, կը յիշեցնէ մեզի նոյն ժամանակի լատին Ակոլաստիկներուն գրութիւնները, և թէպէտ ոչ ամեն կէտեր նոյնչափ արժէք ունենան, տակաւին բեղմնաւոր և սուր միտքի արտայայտութիւններ են: Ծիսական մասին Տաթևացիին յատուկ գործն է վարդապետութեան տասնուչորս աստիճաններուն կարգը, և չեմք գիտեր թէ ուրիշ կարգադրութիւններ ալ ունեցաւ, որովհետեւ իրեն անունով մակագրուած ուրիշ բան չեմք գտներ, և երևի թէ նախնի կարգերուն երկիւղած հետևողութիւնը սիրեց: Բազմաթիւ եղան Տաթևացիի աշակերտները, և ոչ միայն իւր մեռնելէն ետքը աշակերտները կը գտնուէին, այլ անկէ մինչև հիմայ այդ աշակերտութիւնը շարունակեց, և այժմեան հայ վարդապետութիւնը ամբողջաբար Սիւնեաց վարդապետանոցի և Տաթևացիի շարունակութիւն կը համարուի:

206. Այն օրերուն որ Յովհաննէս Մեծոփեցին սրբութեամբ կը վախճանէր Տաթևի վանքը, Յակոբ կաթողիկոս ալ կը վախճանէր Սսոյ մէջ, որուն միաբաններէն այն մասը, որ դժկամակութեամբ տեսած էր Յակոբին այլազգի ամիրային օգնութեամբ

հայրապետական աթոռը գրաւելը, աթոռէ զրկելու դժուարութիւն տեսնելով, կհանքի զրկելու ձևը գործածեցին և դեղակուր սպաննեցին: Բայց այդ կերպով չկրցան աթոռը իւր անկեալ լիճակէն բարձրացնել. մանաւանդ թէ ղեղձումներու դուռ բացին, և դաւաճաններ աթոռի ժառանգութեան համար իրարու հետ սկսան կազ ու կռիւ ընել, մինչև որ մէջերնէն աւելի յաջող եղաւ Գրիգոր եպիսկոպոս մը, այլազգի ամիրան թև ու թիկունք ընելով, ի հարկէ ճշօրինական միջոցներով: Յակոբի անձին վրայ լաւ բան մը գրելիք չունինք, իւր միակ պատիւն է Տաթևացիէն պատուած լինելը: Իւր ուղղութիւնն ալ Աղթամայական կը կարծուի. զի Մեծոփեցին անխտիր կ'ամբաստանէ Սոոյ վերջին գահակալները (Կոստան. 55): Այսու հանգերձ, թէ ոչ կատարեալ ջատագովութեան, զոնէ մասնակի թիթեացման փաստ մը կ'ընծիռէ, Արևելիայց գործակցելով Աղթամարի գործին մէջ ուղիղ ընթացքի հետեւելը: Գուցէ առ Վասպուրականցիս գրած թուղթը աւելի լոյս ընծայէր, եթէ ամբողջութեամբ աչքի առջև ունենայինք:

Մաղափա առ. Օրմանեան

ՊԱՏՄՈՒԹԻՒՆ ՍԱՍԱՆԵԱՆՑ ¹⁾

ԵՒ

ԻՐԱՆԻ ՆՈՒԱԾՈՒՄԸ ԱՐԱՐԱՅԻՆԵՐԻՑ

(Ա. Կրիմսկու)

Խաղաղութեան դաշն կապելուց յետոյ Թէոդոսի հետ, Վռամ V կարողացաւ առ ժամանակ դուրս գալ սպիտակ չոններէ և չայաստանի հետ: Անցաւ մի քանի տարի և ահա (429 թ.) նա բոլորովին վերացրեց աւատական վարչութիւնը չայաստանում, սովորական Պարսից նահանգ դարձնելով այն (ինչպէս որ Բիւզանդացիք վարուեցան չայաստանի իրանց մասում): Իսկ չեփթաղները կամ Սպիտակ չոնները տակաւին ամբողջ մի դար անհունդիստ էի անում Իրանը և պատերազմը նոցա հետ V-դ դարում պատճառ դարձաւ խաղաղ յարաբերութիւնների Բիւզանդական կայսրութեան հետ:

Դառնանք նորից չայոց պատմութեան: Ինչպէս վերը յիշեցինք, Խոսրով III-ի մահից յետոյ Պարսից Յազկերտ I արքայն չայոց վրայ թաղաւոր կարգեց իւր որդի Շապուհին 416 թ: Ըստ Գարազաշեանի այս Շապուհը թաղաւորեց 416—419. դարանից յետոյ երբ նա թողեց չայաստանը և զնաց Պարսկաստան հօր յաջորդելու դիտաւորութեամբ, չայաստանում անիշխանութիւնը ակեց երեք տարի (419—421): Գուցէ այս հանգամանքի վրայ է ակնարկում պ. Կրիմսկի, ասելով, թէ աւատական չայաստանը ձգտում էր անկախութեան: Վռամ V, ինչպէս երևում է, չայաստանը խաղաղացնելու նպատակով, չայերի խնդիրքով նոցա թաղաւոր է նշտնակում Վռամշապուհի որդի Արտաշէսին, անունը փոխելով Արտաշիր. սա Արշակունեաց վերջին շառաւիղն եղաւ: Արտաշիր (421—429) հազիւ ութ տարի թաղաւորելուց յետոյ՝ կանչուեցաւ Վռամի կողմից

¹⁾ Լումայ № 2.

Պարսկաստան որով Արշակունեաց հարստութեան վերջ դրուեցաւ և Հայաստանը պարսկական նահանգ դարձաւ, ուր իբրեւ մարդպան եկաւ Վեհդենշապուհ: Ո՞ւր մնաց հէքն Արտաշիր, յայտնի չէ. հաւանական է, ասում է Գարազաշեանը, որ նա պահուեցաւ Պարսկաստանում, ուր և մեռաւ. (տե՛ս. Քնն. պատմ. մ. IV. էջ. 19):

Այսպէս տկարութեան կամ մանաւանդ Հայոց նախարարների անմիաբանութեան պատճառով վերջացաւ Արշակունեաց մեծ Թագաւորութիւնը, որ աւելով 580 տարի, խաղալիկ էր երկու հզօր տէրութեանց հռովմայեցւոց և Պարսից քաղաքականութեան: Մի այլ տեղում (Քնն. Պատմ. մ. II. էջ. 267) Գարազաշեանը հեռեւեալ կերպով է բացատրում Հայաստանի անկումը. «պատճառք անկման Հայոց են պէսպէս, ներքին և արտաքին: Ներքին պատճառք են, որպէս ասացաւ՝ դիրք երկրին, որ առնէր զնա ասպարէզ տնդուլ պատերազմաց 'ի մէջ երկու հակառակորդ տէրութեանց (Ռիլդէր). սակաւութիւն — «եմք ածու փոքր և թուով յոյժ ընդ փոքու սահմանեալ (Խոր. I. 3), և աւատային (féodal) դրութիւնն: Իսկ արտաքին պատճառք են՝ երկու դրացի մեծ տէրութեանց միայն մոլեռանդութիւնն և միւսոյն յոռի քաղաքականութիւնն: Այնպէս, որ եթէ Հայաստանը մնար ևս հեթանոս՝ հաւանական է թէ կործանէր արաբական զօրութենէն, ինչպէս եղաւ քան զնա շատ աւելի հզօր արեւմտեան դրացին, նաեւ կ'ընկղմէր 'ի նմա կրօնիւ, ինչպէս եղաւ միւս դրացին, արեւելեանն. մինչ քրիստոնէութիւնն իրրեւ եկեղեցի՝ տուաւ զրեթէ բարբարոս Հայուն ոչ միայն լիւնել մասնակից քրիստոնէական քաղաքակրթութեան, այլ և ունել միութիւն՝ որմէ զուրկ էր և յորոյ 'ի շնորհս կայ ցարդ և կը շնչէ»:

Այսպէս, ուրեմն, Հայաստանի անկման ներքին պատճառներն էին՝ երկրի դիրքը, սակաւութիւն (ընակիչների) և աւատային դրութիւնը: Առաջին երկու պատճառներին դժուար է ծայնակցել և ընդունել իբրեւ իրական փաստ. փասն զի Հայաստանի լեռնոտ դիրքը մի բարեպատեհ առաւելութիւն էր նորա բնակիչների համար և հազարաւոր միջոցներ էր ընծայում նոցա

պաշտպանուելու թշնամուց և յետս մղելու նորան: Ռուսաց հզոր պետութեան հարկաւոր եղաւ վաթսուն տարի անդադար պատերազմներ մղել կովկասեան լեռնականներին նուաճելու համար: 25 կամ 30 հազար մի բուռն Զէյթունցիք, շնորհիւ իրանց ներքին միութեան, մինչև մեր օրերը կարողացան կիսանկախ պրութիւն պահպանել: Նոյնը կլինէր և Սասունի վիճակը, եթէ կոտրած զրգայի նման՝ մէջ տեղ չընկնէին պատմութեան առաջ յանցաւոր տնտեսուն յեղափոխականները, որոնք առանց 'ի կշիռ առնելու ևրոպական ընդհանուր քաղաքականութիւնը, սկսեցին մի յանգուզն դործ, որի հետեւանքն եղաւ Սասունի ջնջումը:

Երկրորդ պատճառը իբր թէ բնակիչների սակաւութիւնն էր: Բայց «սակաւութիւն» ձգձգելի բառ է և սոյն դէպքում լիարժեք հասկանալի: Եթէ ներկայումս, բուն տանկա-ձայաստանի հողի վրայ՝ մնացել է $1\frac{1}{2}$ միլիոն հայ ժողովուրդ, դարեւոր զալ-թականութիւնների և վերջին կոտորածներից յետոյ, Արշակունեաց մեծարոյ թագաւորութեան օրերում բնակիչների թիւը առնուազն պիտի լինէր 10-ից մինչև 15 միլիոն, ինչպէս լսել ենք հանդ. պրօֆ. Բ. Պատկանեանի բերանից նորա դասախօսութիւնների միջոցին: Իսկ մի այնպիսի պատկառելի թիւ է, որին կնախանծէին արպեան շատ ևրոպական փոքր պետութիւններ՝ Սուեզիա, Նորվեգիա, Դանեմարկ, Զուեցերիա և այլն, որոնք զոյութիւն ունին շնորհիւ իրանց բուն ազգային քաղաքականութեան և յաջողել են *modus vivendi* մշակելու հզոր պետութիւններից ազատ լինելու համար: Ոչ, Դարապաշեանի վերը բերած երկու պատճառները համոզիչ չեն և թոյլ են. անկման պատճառը այլուր որոնելու է, ազգային միութեան բացակայութեան մէջ: Անհնարին կլինէր միութիւն գտնել ձայաստանում, որի բնակիչների մի մասը կռապաշտ էր, միւսը — քրիստոնէայ: Այս հանգամանքից ծագեցան երկու կուսակցութիւններ, որոնց մէկը քաղցում էր դէպի զրադաշտական Պարսկաստանը, միւսը դէպի կրօնակից Բիւզանդիոնը: Նոյն միութեան բացակայութեան շնորհիւն էր, որ քայքայուեց Մեծին Տիգրանի լայնածաւալ տէրութիւնը, տեղի տալով ռազմագէտ Տոմար-

մայեցւոց սակաւութիւն, բայց կիրթ լեզէոնների առաջ: Բայց հեթանոս հայերն ՚ի հնումն կրօնական միութիւնից էլ զուրկ էին և չկարողացան ստեղծել իւրեանց յատուկ գիցարանութիւնը: Հայոց պանթէոնում, բուն հայկական աստուածների հետ, պատահում են Պարսից, հին Յունաց և սեմական աստուածների անուններ^{*)}. և դորանից պարզ է, որ մեր նախնիքը չեն կարողացել մշակել իրանց համար ինքնուրոյն կրօնական սխաւեմ, ինչպէս տեսնում ենք Յունաց, Հռովմայեցւոց, Գերմանացւոց, Հնդկաց: Յիշեալ երկու պատճառների, այն է՝ ազգային միութեան և կրօնական միութեան վրայ ծանրանում է նաև աւատային դրութիւնը, մի չարիք, որի դէմ կռուելու անզօր հանդիսացան ապիկար Արշակունի թագաւորները: Արշակունեաց շրջանի թագաւորների և Հայոց իշխանների ու նախարարների փոխարինի յարաբերութիւնները լուսաբանելու համար ՚ի դէպ եմ համարում մէջ բերել այստեղ պրօֆ. Ք. Պատկանեանի կարծիքը, սկսելով փոքր ինչ հեռուից:

«Ասորեստանի անկումից յետոյ, հայերը քաղաքական կողմից ենթարկուեցան Մսրաց ազդեցութեան ներքոյ, պահպանելով իրանց ներքին կազմակերպութեան անձնմխելութիւնը և հասարակաց իշխան ընտրելու իրաւունքը: Ապա, Պարսից ժամանակ, հայերը, ուրոյն նահանգ են կազմում Դարեհի կայսրութեան, օգնական զօրքեր հասուցանելով և հարկ վճարելով:

Ինչպէս Ալեքսանդր Մակեդոնացւոյ առաջ, այնպէս և յետոյ, հայաստանը, գտնուելով հին աշխարհի քաղաքակիրթ ազգերի կենդրոնում, տեղի էր, ուր մինչև վերջին ժամանակս Արևելքի և Արևմուտքի ընդհարումներն էին կատարւում: Չնայելով այդ հանգամանքին, հայաստանը, իբրև պետութիւն, մեծ դեր չէր խաղում մարդկութեան պատմութեան մէջ, և նորա անունը ըստ մեծի մասին աշխարհագրական յորջորջումն էր երկրի, ուր հզօր դրացիք իրանց վէճերն էին լուծում, սկսեալ ասորեստանցիներից և մարերից մինչև տաճիկներն ու ռուսերը:

Դրաւելով ժամանակակից Փրանսիայի չափ մի տարածու-

^{*)} Sku. Очеркъ исторіи древней Армянской литературы К. Патканова С. П. Б. 1880 г.

Թիւն, վայելելով բարեպատեհ աշխարհադրական դիրք Սեաւ և Կասբից ծովերի մէջ, որոնցից անշրպետութեամբ էր հողի նեղ գծով, հայաստանը ամենայն ժամանակ ներկայացնում էր բնութեան հարուստ բերքերով մի երկիր: Թուի Թէ, լեռները լիովին կարող էին պաշտպանել նրան Թշնամեաց արշաւանքներից: Տիգրիս և Եփրատը յարմար հաղորդակցութեան ճանապարհներ էին Միջագետքի և Պարսից ծովածոցի հետ: Հնդկական վաճառականութեան նշանաւոր մասը զանազան ուղիներով անցնում էր հայաստանից դէպի Պոնտոս: Ալքի առաջ ունելով այս բոլոր օգտաւէտ պայմանները, յոյժ ծեռնտու դրութիւնը, որ չէր վայելում Առաջաւոր Ասիոյ և ոչ մի երկիրը, հայաստանը, որչափ յայտնի է, ինքնուրոյն կուտուրայի հայրենիք չէր,*) իսկ նորա բնակիչները ոչ միայն չեն եղել աշխարհակալական ժողովուրդ, այլև երկար ժամանակով ու լիովին անկախ էլ չեն եղել: Այս երևոյթի պատճառները որոնել դրացիների գերակշռող քաղաքական հզօրութեան մէջ հիմնաւոր չէ այնքան, վասն զի զօրեղ դրացիները սկզբում ամենևին զօրեղ չէին և հզօր դարձան հայերի օրերում և մինչև անգամ նոցա օգնութեամբ: Ինչո՞ւ հայերը ինքեանք չկարողացան կազմել հզօր քաղաքական մարմին, փոխանակ մշտական կախումն ունենալու հզօր դրացիներից և նուանուած լինել օտարներից: Դորա պատճառը կայանում է յատկապէս երկրի քաղաքական կազմակերպութեան և բնակիչների բնաւորութեան մէջ: Անիրաւացի կլինէր պնդել, Թէ հայերը զուրկ էին այն սովորական յատկութիւններից, որոնք պատահում են ուրիշ աւելի բախտաւոր ազգերի մօտ: Ընդհակառակն, նոցա մօտ պակասութիւն չէ նշմարւում ոչ քաջութեան, ոչ էլ տեղական հայրենասիրութեան կողմից: Սակայն բոլոր այս յատկութիւնները մեծաւ մասամբ նսեմանում էին փոխարինի նախանձով, միութեան և ճշմարիտ

*) Պրօֆ. Պատկանեանի դատավճիռը այստեղ շատ խիստ է. ապա մեր հին հեղինակները իրանց դասական ճանաչարհիկ լեզուով, Թարգմանուած ևրոպական լեզուների, հին հայկական ճարտարապետութիւն, որի մնացորդները և աւերակները մարդ են հիացնում, ռւր մնացին: Մ. Շ.

հայրենասիրութեան բացակայութեամբ: Ճակատագրի բերմամբ, հայերի երկարատև պատմական գոյութեան միջոցին երևան չեկաւ այն արտաքին շարկապող զօրութիւնը, որ ուրիշ ազգերի մօտ ստեղծուած է հզօր կենդրոնական իշխանութիւն: Միանգամայն զուրկ քաղաքական կրթութիւնից, որով ճանաչուած է բարձր պետական նպատակը այն է՝ զոհել իւր մասնաւոր շահերը յօգուտ ընդհանուրի, երկրի տիրապետող դասակարգը, հայոց իշխանները, անընդունակ էին միմեանց հետ համաձայնութիւն կայացնել բարձր քաղաքական և հասարակական նպատակներին համեմելու համար... իսկ այսպիսի պայմաններում, հայաստանի կախումն դրացիներից, որոնք զօրեղ պետական մարմիններ կազմակերպեցին, անխուսափելի էր:

Բռնելով Աքիմենեանց տեղը, Պարսից Արշակունիք իրանց քաղաքական շրջանը պիտի գրաւէին նաև Հայաստանը: Զկամենալով գործ ունենալ իւրաքանչիւր փոքր ի շատէ հզօր իշխանական տոհմի հետ, նոքա վճռեցին հայաստանից ուրոյն թագաւորութիւն կազմել և հնազանդութեան մէջ պահել նրան ազդելով թագաւորի անձնաւորութեան վրայ: Երկար բանակցութիւններից յետոյ նոցա յաջողուեց համոզել ամենանշանաւոր հայոց իշխաններին իրանց թագաւոր ճանաչել Արշակունի արքայազուններից մէկին: Այդ արքայազնը, ըստ Գարազաշեանի, Պարսից Վաղարշ I-ի թագաւորի երգայր Տրդատն էր, Մ. Խորենացու Արտաշէս II-ի, որ Կորբուլոն զօրավարի (հռովմայեցոց) խորհրդով գնաց հռոմ և ներոն կայսեր ձեռքից ստացաւ իւր թագը (61—82): Երկու երկիրների պետերի տրեան հարազատութիւնը երաշխաւորելու էր հասարակաց շահերը ընդդէմ արտաքին թշնամիների, յատկապէս հռովմի, որ սկսել էր խառնուել Ասիոյ գործերին: Բայց Պարթևաց հաշիւները չարդարացան: Նոցա ստեղծած թագաւորական իշխանութիւնը այն ժամանակի հայերի բնաւորութեան հակառակ էր և երբէք ժողովրդականութիւն չստացաւ: Ազնուական տարրը Հայաստանում շատ զօրեղ էր, որ թոյլ տար հաստատուելու այնտեղ արքայական հզօր իշխանութեան...

Միևնոյն անուն կրող բարձրագոյն իշխանութիւնը Պարս-

կաստանում և Հայաստանում իրօք բոլորովին տարբեր էր: Պարսկաստանում դա հաստատուած էր բնակիչների բոլոր խաւերի ներքին համոզմունքի վրայ, որ, նախընթաց հարստութիւնից փորժուած անպայման հնազանդութեան, յանձին թագաւորի տեսնում էր բնական պաշտպանին պաշտօնական անձանց ղեկ-
 ծռմաներից: Բացի դորանից Պարսկաստանում գոյութիւն չու-
 նէր հինաւուրց ազնուականութիւն: Հայաստանում, ընդհակա-
 ռակն, քաղաքների բնակիչների չնչին քանակութեան պատճա-
 ռով, բնակչութեան գլխաւոր բաղմութիւնը բաղկացած էր զիւ-
 դացիներից, որոնք իրանց իշխաններից էին կախուած (իբրեւ
 ճորտեր) և ըստ երեւոյթին, գոհ էին իրանց պիւութիւնից: Նւ
 այդպէս կենդրոնական իշխանութիւնը դէմ յանդիմոն կանգնած
 էր ոչ թէ ամբողջ ազգի, այլ միայն իշխանների: Սեպուհները,
 մանաւանդ արարատեան նահանգում, որ թագաւորի բնակու-
 թեան տեղի էր, վայելում էին զբան ողորմածութիւնը և պաշտ-
 պանութիւնը զօրեղ իշխանների դէմ, հաւատարիմ էին ֆեոմ
 թագին: Բայց աւելի հզօր և գոռոզ առիմերը տակաւ տակաւ
 մեկուսանում էին դրան ազդեցութիւնից և իրանց համար ա-
 ւելի օգտաւէտ էին համարում դադտնի համածայնութիւնների
 մէջ մանեղ զբացիների հետ 'ի դէպս ընդդիմադրութեան թա-
 գաւորին: Հնարաւորութիւն չունենալով լենուելու ոչ զիւղա-
 ցիների ոչ էլ քաղաքացիների վրայ, թագաւորները հարկաւորուած
 էին ստեղծել նորանոր նախարարութիւններ դրան հաւատարիմ
 մարդկանցից: Արարատեան աշխարհում մօտը կալուածները բաշխ-
 ւում էին ծառայող մարդկան, որոնցից կազմում էին թիկնա-
 պահ և ոստանիկ զնդեր թագաւորի իսկ հրամանատարութեան
 ներքոյ: Բացի դորանից ապստամբ նախարարները պաւանանու-
 թեամբ կոտորւում էին, նոցա կալուածները զբաւում էին յար-
 քունիս և բաժանւում էին եկւոր զնդերի զօրապետներին: Դո-
 ցանից կազմելու էին դրան հաւատարիմ ազատանի: Բայց դա-
 ւերը, բանասարկութիւնները, որ տիրապետում էին դրան, թե-
 թեւամիտ թագաւորների խստութիւնները ու բռնութիւնները
 այնտեղ հասցրին, որ այդ նոր իշխաններն էլ խնամեցան հին
 ցեղերի հետ և շուտով նոցա ոգւով տոգորուեցան:

Պրօֆ. Պատկանեանի այս սուր դիտողութիւններէց զրփ-
 ժուար չէ եզրակացնել, որ մեր հին իշխանները և նախարարները
 չէին հասունացել պետականութեան զաղափարի համար և զէն
 'ի ձեռին պաշտպանելով թագաւորի դէմ իրանց իրաւունքները
 և սոհմային արտօնութիւնները, նոքա ստորագրում էին զորա-
 նով իւրեանց մահուան դատակնիքը, թուլացնում էին և ջլա-
 տում բարձր իշխանութեան զօրութիւնը, ապա, ուրեմն, հա-
 յաստանը մատնում օտարների ձեռքը: Հին Բաբելոնի, Ասորես-
 տանի, Մարաց և յետոյ Պարսից միահեծան տիեզ պետութիւն-
 ների պատմութիւնը, ինչպէս երևում է, նոցա համար չէր կա-
 րող օրինակ լինել. նոքա չէին կամենում հասկանալ, թէ աւա-
 տականութիւնը Հայաստանում անաքրոնիզմ էր, երբ արեւել-
 քում և արեւմուտքում կանգնած են երկու կուլտուրական լայ-
 նածաւալ և միահեծան տէրութիւններ, որոնց քաղաքականու-
 թեան խաղալիք էր Հայաստանը, հարկադրուած հանգամանե-
 րից մերթ մէկին օգնել իւր հայազունդ զօրքերով, մերթ միւ-
 սին և այսպէս նպաստել զրացի մրցակից թշնամիների զօրա-
 նալուն: Հայերի քաղաքական տհասութիւնը չվերջացաւ Արշա-
 կունեաց անկմամբ, այլ, ինչպէս կը տեսնենք, շարունակուեց
 մարզպանների, Բազրատունեաց, Ռուբինեանց հարստութիւն-
 ների ժամանակ և յարատեւեց մինչև վերջին կոտորածները Կի-
 լիկիայում: Այսուհետեւ արդեօք զգաստանալո՞ւ է հայութիւնը
 qui vivra—verra.

Մ. Շովրեան

ԼԵԳԵՆԴՆԵՐ ՔՐԻՍՏՈՍԻ ՄԱՍԻՆ¹⁾

Բ.

ԿԱՅՍՐԻ ՏԵՍԻԼԲԸ

Այդ այն ժամանակն էր, երբ Հռոմի կայսրը Օգոստոսն էր, իսկ հրէաների թագաւորը՝ Հերովդէսը:

Եւ ահա, վրայ հասաւ մեծ և սուրբ գիշերը: Դա ամենախաւար գիշերն էր, որ երբ և է մարդիկ տեսել էին: Թւում էր, թէ երկրի վրայ կախուել էին ինչ-որ մռայլ կամարներ: Անկարելի էր զանազանել ջուրը հողից և անհնարին էր գտնել ամենածանօթ ուղին անգամ: Ուրիշ կերպ չէր էլ կարող լինել, քանի որ երկնքի վրայ ոչ մի լուսաւոր տեղ չէր երևում: Բոլոր աստղերն այդ գիշեր մնացել էին տանը, իսկ հեզիկ լուսինը դարձրել էր իւր երեսը երկրից:

Եւ որչափ թանձր էր խաւարը, նոյնչափ խորն էր այդ գիշերուայ լուսթիւնն ու անդորրութիւնը: Կանգ էր առել գետերի հոսանքը, չը կար մեղմիկ քամու շունչը և մինչև իսկ կաղամախին չէր դողդողում: Եթէ որեւէ մէկը գնար ծովի ափը, նա կը տեսնէր, որ նրա ալիքները չէին զարնում ափերին, իսկ եթէ երթար անապատը, աւազը ձայն չէր հանիլ նրա ոտների տակ: Ամեն ինչ քարացած էր ու անշարժ, որպէսզի չը վրդովուի սրբազան գիշերուայ անդորրը: Խոտը չէր ուզում աճել, չէր իջնում ցօղը, իսկ ծաղիկները չէին համարձակում արձակել իրենց բուրմունքը:

Այդ գիշեր արիւնարբու գազանները որսի չէին դուրս եկել, օձերը չէին կծում, շները չէին հաջում և, որ հրա-

¹⁾ Լուսայ № 2

շալին է, անշունչ առարկաներից և ոչ մէկը չէր վրդովում գիշերուայ սրբութիւնը, չուզէնալով ծառայել չար գործերին. չէին կոտորում կողպէքները, դանակն անկարող էր արիւն թափելու:

Այդ գիշեր Հռոմում, կայսերական պալատից դուրս եկան մի խումբ մարդիկ և հրապարակով անցան դէպի Կապիտօլիյ:

Դրանից քիչ առաջ, արևը մայր մտնելու ժամանակ, կայսրի շրջապատողները հարցրել էին նրան, թէ արդեօք, նա դէմ չի՞ լինիլ, եթէ նրանք 'ի պատիւ իւր տաճար կառուցանեն Հռոմի սրբազան լերան վրայ: Սակայն Օգոստոսը միանգամից չը տուաւ իւր համաձայնութիւնը: Նա չը գիտէր, արդեօք, հաճելի կը լինէր աստուածներին, եթէ ինք՞ էլ նրանց հաւասար ունենար իւր անուան տաճար, ուստի որոշեց նախ հէնց այդ գիշեր զոհ մատուցանելու հովանաւորող-աստծուն, որպէսզի իմանայ նրա կամքը այդ հարցի առթիւ:

Եւ ահա նա մի քանի մտերիմների ուղեկցութեամբ գնաց պալատից այդ զոհը մատուցանելու:

Օգոստոսը հրամայեց, որ իրեն տանեն պատգարակի վրայ, որովհետեւ նա ծեր էր և նրա ոյժը չէր պատում Կապիտօլիի բարձր սանդուղքներով քայլել: Նա բռնել էր ձեռքին աղաւնիների վանդակը, որոնց պիտի զոհ բերէր: Նրա ուղեկիցների թւում չը կային ոչ քրմեր, ոչ զինուորներ և ոչ էլ աստիճանաւորներ, այլ բոլորն էլ նրա մրտերիմ բարեկամներն էին: Առջևից անցնում էին ջահընկալները և լուսաւորում ճանապարհը, իսկ յետևից գալիս էին ստրուկները, տանելով զոհաբերութեան եռանկիւնի սեղանը, սուրը, սրբազան հուրը և զոհի այլ պարագաները:

Ճանապարհին կայսրը տաք-տաք խօսակցում էր իւր ուղեկիցների հետ, ուստի և ոչ ոք չէր նկատում գիշերուայ անսահման անդորրութիւնն և մեռելային լուրթիւնը:

Եւ միայն, երբ հասան Կապիտօլիի գագաթը, որտեղ

պէտք է կառուցուէր նոր տաճարը, նրանց համար պարգուեց, որ մի արտասովոր բան է կատարուում:

Այդ գիշերն, անկասկած, նման չէր միւս բոլոր գիշերներին, օրովհետեւ ժայռի ծայրին նրանք տեսան մի ինչ-որ զարմանալի ու տարօրինակ առարկայ: Սկզբում նրանց թուաց, թէ դա մի հին և կայծակնահար եղած ձիւթենի է, յետոյ նրանց երևաց, թէ ժայռի վրայ է բարձրացել Արամազդի տաճարից հին քարէ անդրին: Վերջապէս նրանք ճանաչեցին, որ դա պառաւ Սիբիլան է:

Երբէք նրանք տեսած չէին այդչափ ծեր, կոշտացած ու անուշի արարած: Այդ պառաւը սարսափ էր ազդում: Եթէ կայսրը չը լինէր նրանք մի ակնթարթում կը թողնէին, կը փախչէին ու կը թագնուէին իրենց անկողիններում: «Ահա նա, շշնջում էին նրանք իրարու ականջին, որ նոյնչափ տարիք ունի, որչափ աւագ կայ նրա հայրենիքի ասիւրի վրայ: Բայց ինչո՞ւ նա հէնց այսօր, այս գիշեր է գուրս եկել իւր այրից: Ի՞նչ է գուշակում կայսրի և կայսրութեան համար այդ կինը, որ իւր մարգարէութիւնները գրում է ծառերի տերեւների վրայ և գիտէ որ քամին հասցնելու է իւր իմաստուն խօսքերը նրան, ում որ վերաբերում են դրանք»...

Նրանք բոլորն էլ այնպիսի երկիւղ էին գգում, որ եթէ Սիբիլան որեւէ շարժում անէր, նրանք իսկոյն ծունկ կը չոգէին: Բայց նա նստած էր անշարժ, կարծես կեանք չը կար նրա մէջ: Մէջքից կռացած, նստած էր նա ժայռին և, ձեռքը դնելով աչքերին, նայում էր գիշերուայ մութութեանը: Թւում էր, թէ նա բարձրացել էր բլրի վրայ, որպէսզի աւելի լաւ տեսնէր մի ինչ-որ բան, որ այդ ժամանակ կատարուում էր ուր-որ հեռւում: Ուրեմն, նա կարողանում էր մի բան տեսնել այդ խաւարի մէջ:

Չէնց այդ վայրկեանին կայսրը և նրա շքախումբը նկատեցին գիշերուայ զարմանալի խաւարը: Ոչ ոք նրանցից չէր կարող մի բան տեսնել նոյն իսկ կանգուն հեռաւորութեան վրայ: Եւ որպիսի խաղաղութիւն և լուսթիւն

էր տիրում: Նոյն իսկ Տիբեր գետի խուլ աղմուկը չէր համնում նրանց լսելիքին: Սակայն նրանց խեղդում էր այդ օգը, սառն քրտինքը պատել էր նրանց ճակատը, ձեռները սառել էին ու անգօր դարձել: Նրանք զգում էին, որ պէտք է մի սարսափելի բան պատահի:

Բայց ոչ ոք չէր ուզում երևան հանել իւր երկիւղը և ամենքն էլ ասում էին կայսրին, թէ դա խիստ լաւ նըշան է. ամբողջ տիեզերքը կանգ է առել, շունչն իրեն է քաշել, որ ողջունէ նոր աստծուն:

Նրանք առաջարկեցին Օգոստոսին, որ սկսի զոհաբերութիւնը և ասացին, որ պառաւ Սիբիլլան, հաւանօրէն, դուրս է եկել իւր այրից նրա համար, որ ողջունէ կայսրին:

Բայց Սիբիլլայի ուշադրութիւնն, իսկապէս, այնչափ կլանուած էր իւր տեսիլքով, որ հազիւ թէ նա նոյն իսկ նկատած լինէր Օգոստոսի երեւալը Կապիտօլիում: Իւր մտքի մէջ Սիբիլլան երեւակայում էր իրեն մի հեռու երկրում և այնտեղ, թւում էր նրան, թափառում էր նա անսահման տափարակի վրայ: Մթութեան մէջ նա շարունակ կաշում էր ինչ-որ բաների, որ նա հողաբլուրների տեղ էր ընդունում: Նա յետ էր նայում և շօշափում էր ձեռքով: Բայց ոչ, դրանք հողաթմբեր չէին, դրանք ոչխարներ էին: Նա թափառում էր քնած ոչխարների ահագին հօտերի մէջ:

Յետոյ նա նկատեց խարոյկ և հովիւներին: Կրակը վառւում էր դաշտի մէջ տեղը և նա դիմեց այն կողմը: Հովիւները պառկած էին կրակի շուրջը և քնել էին, իսկ նրանց քովը ընկած էին երկայն ու սրածայր ցուպերը, որոնցով նրանք սովորաբար պաշտպանում էին իրենց հօտերը վայրենի գազաններից: Բայց մի՞թէ այն փոքրիկ գազանները, որոնք փայլուն աչքեր ունեն և թաւամազ պոչեր ու գաղտագողի մօտենում են կրակին,— չաղալնէր չեն: Այն ինչ, հովիւները իրենց ցուպերը չեն նետում նրանց վրայ, իսկ շները շարունակում են քնել. ոչխարները չեն փախչում, իսկ վայրի գազանները հանգիստ կերպով պառկում են քնելու մարդկանց կողքին:

Ահա թէ ինչ էր երևում Սիբիլայի աչքին, բայց նա չը գիտէր, թէ ինչ էր կատարւում իւր յետևում, լերան գլխին: Նա չը գիտէր, որ այնտեղ սեղան են սարքել, կրակ են վառել, խուճկ են ծխում և որ կայսրը հանել է վանդակից մի աղանձի, որպէսզի զոհ բերի նրան: Բայց կայսրի ձեռքերն այնպէս ընդարմացել էին, որնա չը կարողացաւ պահել աղանձուն, որը մի թեթև շարժում գործելով, ազատուեցաւ ու անյայտացաւ գիշերային խաւարի մէջ:

Տեսնելով այդ, պալատականները դժկամակութեամբ նայեցին պառաւ Սիբիլային: Նրանք նրան էին մեղաւոր համարում պատահած դժբաղտութեան մէջ:

Միթէ նրանք կարող էին գիտենալ, որ Սիբիլան երևակայում է, որպէս թէ ինքը գտնւում է հովուական խարոյկի մօտ և ականջ է դնում գիշերուայ մեռելային լուռութեան մէջ թոյլ կերպով լսուող զանգահարութեանը: Արդէն երկար ժամանակ էր անցել, որ լսւում էր այդ զանգահարութիւնը, երբ Սիբիլան հասկացաւ, որ այդ ձայնը գալիս է ոչ թէ երկրից, այլ երկնքից: Վերջապէս նա բարձրացրեց գլուխը և տեսաւ, որ մթնութեան մէջ անցնում էին լուսաւոր, փայլուն էակներ: Դրանք հրեշտակների փոքրիկ խմբեր էին, որոնք ուրախ-ուրախ երգելով յետ ու առաջ էին թռչում տափարակի վրայով, կարծես մէկին որոնելիս լինէին:

Մինչ Սիբիլան ականջ էր դնում հրեշտակների երգին, կայսրը պատրաստւում էր նոր զոհ բերելու: Նա լուաց ձեռները, մաքրեց սեղանը և հրամայեց, որ բերեն երկրորդ աղանձուն: Եւ, թէև այս անգամ նա մեծ ոյժ դործ դրաւ, որպէսզի պահի աղանձուն, սակայն թռչնի սահուն մարմինը դուրս սողաց կայսրի ձեռքից և անյայտացաւ խաւարի մէջ:

Կայսրին սարսափը տիրեց: Նա ծունկ իջաւ դատարկ սեղանի առաջ և սկսեց աղօթել իւր հովանաւորող-աստծուն: Նա աղերսում էր, որ ոյժ ստանայ զիմադրելու դժբաղ-

գուլթեանը, որը ըստ երկութին, գուշակում էր նրա համար այդ գիշերը:

Բայց այդ բոլորն էլ Սիրիլլայի համար աննկատելի անցաւ: Նրա ուշադրութիւնն ամբողջովին կենդրոնացած էր հրեշտակների երգի վրայ, որ քանի գնում, ուժեղանում էր: Վերջապէս երգն այնչափ ուժեղացաւ, որ հոգիւնները զարթնեցին: Բարձրանալով տեղներից, նրանք տեսնում էին, թէ ինչպէս ձիւնանման հրեշտակների փայլուն շարքերը, երերուելով տարափոխիկ թռչունների նման, կտրում էին գիշերուայ խաւարը: Հրեշտակներից ոմանք ունէին ձեռներին ջութակներ ու կիթառներ, միւսները տաւիղներ և քնարներ, իսկ նրանց երգը հնչում էր մանուկների ծիծաղի չափ ուրախագին և ծիծեռնակների ծղվոցի չափ անհոգ: Լսելով այդ, հովիւները վերկացան, որպէսզի գնան լերան մօտ գտնուող քաղաքը, որտեղ նրաքանք ապրում էին և պատմեն տեսած հրաշքի մասին:

Նրանք գնում էին նեղ ու ծուռուծուռ կածանով և պառաւ Սիրիլլան էլ հետևում էր նրանց: Յանկարծ լեռան գլուխը լուսաւորուեցաւ: Մի մեծ ու փայլուն աստղ գուրս եկաւ ուղիղ լերան վրայ, իսկ փոքրիկ քաղաքը փայլեց, որպէս արծաթն է փայլում աստղերի լոյսի տակ: Թռչող հրեշտակների բոլոր խմբերն էլ ուրախագին բացականչութիւններով ուղղուեցան այն կողմը. հովիւները աւրագացրին իրենց քայլերը և, վերջապէս, սկսեցին վազել:

Երբ հովիւները հասան քաղաք, նրանք տեսան, որ հրեշտակները ճաւաքոգել են քաղաքի դռան մօտ գտնուող մի ցած գոմի վրայ: Դա ժայռից կաած մի խրճիթ էր, յարդեայ կտուրով: Խրճիթի գլխին փայլում էր աստղը, իսկ հրեշտակների նորանոր խմբեր շարունակ գալիս էին: Մի մասը նրանցից իջել էր կտուրի վրայ, կամ տան յետևի ուղղաձիգ ժայռին: միւսները, բացելով իրենց թևերը, ճախրում էին խրճիթի գլխին: Եւ հրեշտակների այդ թռիչքը լուսաւորում էր օդը մեծ տարածութեան վրայ փայլուն լուսով:

Այն վայրկեանին, երբ քաղաքի վրայ փայլեց ասաղը, ամբողջ բնութիւնը միանգամից զարթնեց, — և կապիտալի վրայ գտնուող մի խումբ մարդիկ չէին կարող չընդկատել այդ նրանք զգացին, թէ ինչպէս թարմ ու քնքոյշ քամին զովացրեց օդը, նրանց շուրջը տարածուեցաւ ծաղիկների բուրմունքը, ծառերը շարժուեցան, Տիբեր գետը բլբլաց, աստղերը փայլեցին, իսկ լուսինը յանկարծ երեւեցաւ բարձրում, երկնքի վրայ և լուսաւորեց երկիրը: Եւ ամպերի միջից ցած իջան երկու աղանձներ և նրստեցին կայսրի ուսերի վրայ:

Երբ կատարուեցաւ այս հրաշքը, Օգոստոսը հպարտութեամբ և ուրախացած վերկացաւ, իսկ մերձաւորները ծունկ իջան:

— „Ave Caesar“, — բացականչեցին նրանք, — «Քո հովանաւորող աստուածդ պատասխանեց քեզ՝ «Դու ես այն աստուածը, որին պիտի երկրպագեն Կապիտոլիի բարձունքի վրայ»:

Եւ ուրախագին բացականչութիւնները, որոնցով փառաբանում էին Օգոստոսին նրա հիացած ծառաները, լսուեցան այնչափ բարձր, որ վերջապէս հասան պառաւ Սիբիլայի ականջին և նրա ուշադրութիւնը խնայեցին տեսիլքից:

Նա բարձրացաւ ժայռի ծայրից, որտեղ նստած էր և դիմեց դէպի այդ խումբը: Կարծես դա մի սև ամպ էր, որ դուրս էր եկել անդունդից և բարձրանում էր լեռան գլուխը: Սարսափելի էր նա իւր ծերութեան մէջ, Խճճուած մազերը կախ էին ընկել նրա գլխի շուրջը, մարմնի անդամների վերջաւորութիւնները սարսափելի էին. իսկ կաշին, ծառի կեղևի նման, ծածկել էր մարմինը բազմաթիւ կրնձիւններով:

Այգպէս հզօր ու ահարկու՝ նա մօտեցաւ կայսրին: Մի ձեռքով նա բռնեց նրա թևից, իսկ միւսով ցոյց տուաւ նրան հեռուն, արևելքը:

«Նայիր», — ասաց նա, և կայսրը բացեց աչքերը և սկսեց նայել: Ամբողջ տարածութիւնն երևում էր նրա ա-

ռաջ և նրա հայեացքը թափանցում էր հեռաւոր խորքեր։
Եւ նա տեսաւ ուղղաձիգ ժայռին յենուած աղքատիկ շինութիւնը, որի բաց դռների մօտ կռացած էին մի քանի հովիւներ։ Այրի մէջ նա տեսաւ մօրը, որ ծունկ էր իջել յարգերի վրայ պառկած մանկան առաջ։

Եւ Սիբիլլան իւր ոսկրոտ ու ահագին մատներով ցոյց տուաւ այդ մանկան վրայ։

«Ave Caesar», — ասաց Սիբիլլան արհամարհական ծիծաղով։ — «Ահա այն Աստուածը, որին պիտի երկրպագեն Կապիտօլի բարձունքների վրայ։

Այն ժամանակ Օգոստոսը դուրս պրծաւ նրա ձեռքից, որպէս փախչում են խելագարների մօտից։

Բայց Սիբիլլային տիրել էր մարգարէանալու կարող ոգին։ Նրա պղտոր աչքերը փայլում էին, ձեռները բարձրացրել էր դէպի երկինք, ձայնը փոխուել էր՝ կարծես ուրիշինը լինէր. ու այնպէս զիլ էր և ուժեղ այդ ձայնը, որ լսւում էր ամբողջ աշխարհում։ Եւ նա արտասանեց հետևեալ խօսքերը, որ կարծես կարդում էր վերևում, աստղերի մէջ։

«Կապիտօլիի բարձունքների վրայ կերկրպագեն աշխարհի Նորոգչին-Քրիստոսին կամ Նեոին, բայց ոչ ոչընչութիւններին»...

Այս ասելով, նա անցաւ երկիւղից քարացած մարդկանց մօտով և, դանդաղօրէն իջնելով սարից, անյայտացաւ։

Իսկ հետևեալ օրը Օգոստոսը խստագին արգելեց իւր ժողովրդին, որ չը կառուցանեն տաճար իւր անուան Կապիտօլիի վրայ։ Դրա փոխարէն նա շինեց այնտեղի պատիւ նորածին Աստուածորդոյն մի տաճար և անուանեց այն «Երկնքի սեղան» — «Ara Coeli»։

Թարգմ. ԱՐՄԷՆ ՍԱՐԿ. ԵՒ Ն. ՏԷՐ-ՄԱՆՈՒԷԼԵԱՆ

ՆՈՐԱԳՈՅՆ ՊԱՏՄԱԳԻՏՈՒԹԻՒՆ ¹⁾

ՀԻՆԳ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

III

ԳԵՐՄԱՆԱԿԱՆ ՆԵՐԿԱՅ ՀՈԳԵԿԱՆ ԲՆՈՅԹԻ ԱՆՑՈՒՄԸ.
ՀՈԳԵԿԱՆ ԱՆՑՄԱՆ ԺԱՄԱՆԱԿՆԵՐԻ ԸՆԴՀԱՆՈՒՐ ՄԵ-
ԽԱՆԻԿԱՆ:

Վերջին ժամի դասախօսութեան մէջ պարզեցինք դերմանական ժողովրդի համաժայն իր ներքին միջոցի ունեցած զարգացումը մինչև 19-րդ դարը. ինչպէս սրան ամեն արտաքին բան որոշ բնոյթ ու խթան էր ստանում: Տեսանք ինչպէս հոգեկան կեանքի պլլաբանական ժամանակին, Քրիստոսից 3 դար յետոյ, հետևեց տիպիկ դաստիարակութեան ժամանակը, մինչև սալեան կայսրների ժամանակը, ինչպէս այս ժամանակը տեղի տուեց շառուֆէրների միջնադարի վերջերի սովորականի ժամանակին, ինչպէս անհատականութեան ուժեղ ժամանակը վերանորոգութեան ու բարենորոգութեան շրջաններով փոխարինուեց, որը վերջացաւ լուսաւորութեան շրջանով. ինչպէս այս բոլորից յետոյ 18-րդ դարու կիսից զգացկոտութիւնը, փոթորիկի ու տենչերի, դասականութեան ու ռոմանտիզմի ժամանակին հետևեց անձնականութեան ժամանակը և շուրջ 1870 թուին վերջացաւ առաջին շրջանը, որի երկրորդ որոշ ու պարզ արտայայտուած շրջանում ենք գտնոււմ և որին մենք այժմ պատկանում ենք:

Հոգեկան բազմաթիւ փոփոխութիւնների արագ նկարագրութեան ժամանակ, փոփոխութիւններ, որոնք այս ժամանակում են կատարուել, շնորհիւ նիւթք ընդարձակող ու հետաքրքիր դարձնող բազմապատկուող աղբիւրների, աշխատե-

¹⁾ Լումայ № 2

ցինք միշտ մի յատուկ մօմէնտ ի նկատի ունենալ, այն մօմէնտը, որը մի ժամանակից միւսին անցնելն էր տեղի ունենում: Այս շրջանում սկզբում մենք միայն մի անորոշ նախազգացում ունէինք, որի համաձայն պէտք է միշտ տեղի ունենային հոգեկան մեխանիկայի օրինակ անցքերը. այդ նախազգացումը հասցրինք այն աստիճանի հաւանականութեան, որ կարիք եղաւ այս կարծիքը փորձի ենթարկել իրողութիւնների վերաբերմամբ:

Առանց այլեւայլութեան պարզ է, որ այդպիսի քննութեան համար նորագոյն անցման ժամանակի երեւոյթները առանձին կարեւորութիւն պիտի ունենան, որովհետեւ կայ զիտական ամենալաւ նիւթը: Այս պատճառով վերջին ժամանակաշրջանի այս կէտը յատկապէս պարզ ենք նկարագրել: Հետազօտութեան այս կապակցութեան մէջ յատկապէս վերին աստիճանի ուսանելի և անհրաժեշտ է վերջին անցումը ներկայ, կենդանի շրջանին. սրա մանրամասն նկարագիրը պահել ենք այս ժամի համար: Այս անցման պարզ ու մանրամասն նկարագրին հէնց այս ժամում պէտք է կցուի նրա հիմք կազմող հոգեբանական մեխանիկայի ընդհանուր դիտողութիւնը. որքան մեր աղբիւրները թոյլ են տալի մի ընդհանուր հայեացք ձգելու, կսենսենք որ այս անցումը ևս նախկին ժամանակաշրջանների անցման հոգեկան մեխանիկայի հետ նոյնն է: Այս եզրակացութիւնը ի հարկէ այն աստիճան իւր մէջ չունի չանկարծակիի բերող մի բան, որքան այս հոգեբանութեան ընդհանուր օրէնքներից է բղխում ամենայն օրոշութեամբ:

Հոգեկան զարգացման այն աստիճանը, որի վրայ է զրտնում այսօր գերմանացի ժողովուրդը, պատրաստուեց շնորհիւ այն վերին աստիճան մեծ առաջխաղացումների, որ տեղի ունեցան անտեսական, քաղաքական ու սօցիալական կեանքի շրջաններում: Այդ ժամանակ դաշտավայրում ու քաղաքներում հանգէս եկաւ մօտաւորապէս այնպիսի մի բան, որին մենք այժմ ձեռնարկութիւն ենք ասում: Հիւսիս արեւելեան Գերմանիայի ասպետ կալուածատէրերը զբաղուած էին ահագին քանակութեամբ հացահատիկներ արտահանելով Անգլիա. սրանք իրենց անտեսութիւնը փոխեցին կապիտալիստականի և սկսեցին իրենց

գիւղերի բնակիչների կալուածատիրական-նահապետական պայմաններին վերջ տալ մասամբ հողային վարձկան բանուոր դասակարգ առաջ բերելու նպատակով: Քաղաքացիների սկսնակ արդիւնաբերողները հիմնեցին այստեղ այնտեղ առաջին սկզբնական գործարանները: Սրանք միայն սկիզբն էին. միայն ազատամարտներից լետոյ առաջ եկած եռանդի շնորհիւ ամեն տեղ հետզհետէ տնտեսապէս միացող վաճառականական քաղաքացիութեան ու ժամանակի հողային հարցի վերաբերեալ օրէնսդրութեան վրայ ունեցած պրոլետական բարենորոգութեան շնորհիւ առաջ եկաւ աւելի ուժեղ յառաջադիմութիւն. միայն 1848 թուի լետադարձ շարժման անարգուած տարիներում երեւցին նորագոյն արդիւնաբերութեան ու կապիտալիստական դիւղատնտեսութեան առաջին աստիճանի կատարեալ զարգացումը:

Այս ժամանակում արդէն երեւում են այս տնտեսական անցքերի արած սօցիալական ազդեցութիւնները: Այս միջոցում դեռեւս հողի հետ կապուածների մէջ զարգացած վարձու բանուորների ահագին բազմութիւնը խաղաղ էր. միայն գաղթականութիւնների խոշոր աստիճանը, յոյց էր տալիս, որ հասարակական զրութիւնները փոխուել են: Հողատէր ազնուականը էտպէս շատ քիչ էր փոխուած. պրոլետական կառավարութեան լետադարձ շարժման ետեւում կազմուող հասարակական խմբակցութիւնների հոգեբանութիւնը դեռ նոր կարելի է պարզ որոշել: 40-ական թուականներից քաղաքներում կազմուած էր բուրժուական պարզ արդիւնաբերական աշխատաւորների չորրորդ դասակարգը. սրանց հակառակ դուրս եկան քաղաքային նոր ազնականութիւնը, բուրժուական ձեռնարկողները. 60-ական թուականներից նրանք իրանց քաղաքական ձգտումները զարգացրել էին, որոնք շուտով առաջ բերին սօցիալ-դէմօկրատական կուսակցութեան կազմակերպութիւնը:

Մինչդեռ տեղի էին ունենում այս տնտեսական ու հասարակական փոփոխութիւնները ազգի հասարակական ու հոգեկան աշխարհին մի նոր կերպարանք տալու, այս միջոցում առաջ եկան ազգային միութեան համար քաղաքական մեծ խրքտումները. 1840-ին յաջորդեցին 1866-ը և 1870-ը:

Երբ արդէն կայսրութիւնը կազմուեց և կարիք եղաւ դեռ ևս Աւստրիայի դէմ վարուող պատերազմի համար փոխադարձ օգնութեան, կային արտաքին տուեալներ, որոնք հնարաւոր դարձրին արտաքին տնտեսական և հասարակական սաղմերի կատարելապէս զարգանալը: 1871 թուի խաղաղութեան դաշինքին յաջորդեց կատաղի շուռքութեան շարժումը, որը գուշակոււմ էր Բերլինի սնտնկացումը. սակայն այն ժամանակ շուտով կարիք դարձան մաքսերը, որոնց հովանաւորող քաղաքագիտութեան վահանի տակ սկսուեց զերմանական ժողովրդի տնտեսութեան այն ծաղկումը, որը այժմս էլ առաջ է դնում, որը իւր մեծ բեղունութեան շնորհիւ զիւլիին էլ նոր բնոյթ առեց: Ի հարկէ այս զարգացումը ունէր իւր կողմնակի դառը հետեւանքները. գիւղատնտեսութիւնը չէր կարողանում նոր դրութիւնից առաջ եկած պտուղները վայելել, որովհետեւ օտարի մրցութեան շնորհիւ տուժում էր. հասարակական զարգացման նոր խմբերի հաղաթաւոր ցանկութիւններ տնկատար մնացին:

Ընդհանրապէս սկսուեց, ժողովրդի ամեցողութեան շնորհիւ, դասակարգերի կատալի յառաջադիմութիւն՝ ձեռնարկողների, բուրժուա գործարանատէրերի և վաճառականների, այլ և չորրորդ դասակարգի: Այս յառաջադիմութեան ոյժը շերտաւորուող զարգացման մէջ արդէն արտայայտուում է: Բոլորովին նոր դասակարգերի երեւան գալը մեկուսացրեց մինչև այժմ եղած սօցիալական խաւերի ընդհանուր արժէքը: Գիւղացիները և արհեստավորները, ոչ պակաս նաև Գերմանիայում մտավորականների մեծաքանակ դասակարգը, որի մէջ պէտք է հաշուել բացի այսպէս ասած ազատ կոչում ունեցողներից և պաշտօնեաներից շատ տեսակէտներով նաև սպաներին, մի նոր դիրք ստացան, քան մինչև այժմ ունէին: Նրանց վիճակի հնուց մնացած լուսաւոր պսակը խաւարեց. տնտեսականի տեսակէտից պէտք է իրենց կաշին պաշտպանէին. քաղաքականապէս և տրնտեսական տեսակէտից նրանք տուժեցին, որովհետեւ մինչև այժմ ունեցած բացառիկ դիրքը խախտուեց:

Հասկանալի է, որ տնտեսական ու դասակարգային նոր կազմութեան այս ազդեցութիւնները ամենաընդհանուրը ու

խորերը չէին: Աւելի շատ այդ նշանակում էր, որ ազգային ոգին իւր խորքում շարժուել էր, որ նախկին երեակայութեան ու ոգևորութեան պայմանները անյայտացել էին և նրանց տեղը կասկածելի ընդարձակութիւն ունեցող քաօսն էր առաջ եկել: Հոգու և ոգու այս լեղափոխութիւնը ուրիշ պատճառներով աւելի ևս ուժգնացաւ: Այն զարգացումը, որ Գերմանիայում տեղի էր ունենում, առանձնացած չէր. ուրիշ երկրներում էլ սկսուել էր այդ՝ Եւրոպայի զանազան տեղերում. ցամաքի և ծովի այն կողմերում, յասկապէս հիւսիսային Ամերիկայում և Ճապոնիայում: Այս փոփոխութիւնների ազդեցութիւնները, որոնք առաջ եկան շնորհիւ բնադիտութեան. տեխնիկական վարդապետ և ամենից առաջ հաղորդակցութեան կատարեալ փոփոխութեան այս գործօնների միջոցով, ինչպէս որ Գերմանիա անցան, նոյնպէս և այստեղից օտար երկրներ տեղափոխուեցան: Անմիջական հետեանքներն էին՝ աշխարհի վրայ մի նոր հայեացք. ընդարձակ փորձառութեան հաղարաւոր հորիզոններ, բոլորովին փոխուած արտաքին քաղաքականութիւն: Սրանց միջոցով միջնորդապէս հանդէս եկած հոգեկան փոփոխութիւնների իմի համախմբուեցան այն հանգամանքի շնորհիւ, որ մի նոր ընդարձակ դիտութիւն սկսեց քանդել փորձնականութեան վերջին սահմանը. սկսուեց երկնային-Ֆիզիքական աշխարհի սպէկտրալ վերլուծութեան, լուսաբանութեան, ժողովրդագրութեան, տարածութեան—մարդկային տիեզերքի պատմական սրամիտ հասկացողութեան ժամանակը:

Անհնար է այս բոլոր անցքերի մանրամասնութիւնները այստեղ նկարագրել. կարելի էլ չէ. հեշտութեամբ կարելի է լիշել տնձնական կեանքում պատահած կարեւոր թուերը: Այստեղ մեզ դբաղեցնողը նախ դրանց հոգեկան ազդեցութիւնն է և այն էլ սահմանափակուած Գերմանիայով. թէև պէտք է ասել, որ այն երևոյթները, որոնք այս սահմանափակ երկրում տեսնում ենք, յանախ խոշոր զծերով նմանում են նրանց, որոնք ուրիշ տեղերում դիտուած են:

Իբրև առաջին, հալիւրն ու ամբողջական տպաւորութիւն պէտք է նկատել մինչև այժմ եղած սօցիալ-հոգեկան դրութեան

սարսափելի աններդաշնակութիւնը: Հասարակական յառաջիկայացումները և նրանց հետևանք կազմող երևոյթներն են՝ մեծ քաղաքի ածող կեանքը, ուր կայ մղումն ու աճապարումն. եզակի յոժերի անհաշիւ գործադրութիւն, տեխնիկական յառաջադիմութիւն, ամբողջ աշխարհի հետ հաղորդակցութեան հնարաւորութեան խիստ ընդարձակումն. մարդկանց կողմից գիտութեան արագ ծաղկումը, որը այս ընդարձակման հետևանքն էր: Նորագոյն զարգացման այս և հնարաւոր այլ նշաններ տալաւ որութիւնների միանհամար քանակ առաջ բերին, որոնցից ոչ եզակին, ոչ ամբողջը չէր կարող խուսափել, որովհետև սրանք իրենց ամբողջութեամբ հէնց նոր պատմական կեանքի մթոլորան էին կազմում: Մինչդեռ այսպիսով ինչպէս եզակի հողին, այնպէս և ժողովրդական հողին շարունակ նոր տալաւ որութիւնների ածող յոժից ընդգրկուած, միտժամանակ պաշարուած ու բռնուած էին, իրենք իրենց վրայ մինչև այժմ ունեցած իշխանութիւնը կորցրին, համարեա իրենք իրենց յանձնեցին նոր զրգիռներին: Սկզբում այս բանը առաջ եկաւ բարձր կամեցողական ընկերների ճնշման շնորհիւ. եռանդը գործ էր դրւում նոր զրգիռների տրպաւորութիւնները ընդունելու ու բազմապատկելու համար. ընդ. սմին նա սահմանափակուեց տնտեսական կեանքի ուժեղ կամեցողութեամբ և բարձր հոգեկան կուլտուրայում ուժեղ տրպաւորութիւններ ստանալու ընդունակութեամբ: Բանականութիւնը և դիտողութիւնը այսպիսով շատ բան ունէին անելու. պէտք է նախ նոր զրգիռներից շարունակ առաջ եկող հոսանքները ընդունէին. սկզբում այս հնարաւոր էր միայն խիստ լաւուած լինելով և զգացումները շարունակ գործադրելով: Ընդհանուր նեարդային զրութեան հիմքն է այս, որը հանդէս եկաւ և որը բաղմիցս ուղղակի հեռանդագին երևոյթների մէջ երևան է գալի. չէ՞ որ այն օրերում նեարդային հիւանդութիւնը իբրև առանձին տեսակի հիւանդութիւն նոր էր պարզաբանուել: Նեարդային համակարգութեան ընդհանուր գործունէութեան ուժեղանալը և սրա համապատասխան հոգեկան էութեան փոփոխութիւնը, դիւրագրգիռ զառնալը մինչև այժմ էլ քննում է:

Այս փոխադարձ ազդեցութիւնից չետոյ ձեռք ձեռքի առած զուգրնթաց երևոյթ այս ուժեղ զրգուման զրութեան հետ առաջ է գնում նաև հոգեկան շարժող զրութեան թուլութիւնը. թեթև, բայց ոչ խորը կամքի զրգիւներ, ձգտումն զրգիւներից հանդիմանալու. իզուր ձգտումն զրգիւների մէջ հաւասարակշռութիւն պահելու. սրանք այնպէս արագ միմեանց յաջորդում են, որ նրանց մէջ հոգեկան անդորրութիւն, հնուց այնպէս տենչանքով ձգտմուն առարկայ եղող *aequitas animi*-ին, այժմ շատ քիչ դէպքերում կարելի է լինում ունենալ:

Եղել են ու կան մասամբ զրութիւններ, որոնք կեանքի ամեն շրջանում յատկապէս ձեռնարկողների դասում, այս կապակցութեան առաջ եկան, նոր զարգացած հասարակութեան շրջաններում ամենից լաւ կարելի է ուսումնասիրել: Ինչպիսի է ռակայն ձեռնարկողների դասակարգը, վերջին բուրժուադիայի սօցիալական ու քաղաքական տեսակէտից յաճախ առաջնորդող դասակարգը, նորագոյն գիւրազրգումութեան այդ տիպիկ ներկայացուցիչը: Ինչպէս անտեսական մեծ ձգնաժամերին ցոյց տուեց իւր շուտով յուսահատուիլը, զրաւիչ անտեսական կեանքի ժամանակ իւր վնասականութեան պատրաստականութիւնը: Ինչպէս անզուսպ է նա իւր զուարճական կեանքում, երբ օրուայ տպաւորութիւնների տակ փնտրում է խտրող գոյների ու ձևերի ժողովածու տուն կամ նորագոյն թատրոն ու համերգի դահլիճ, տեական լարող անցքեր ներկայացնող հիպնոսելու համար:

Ձեռնարկողների ծառայող, բանուոր դասակարգը կրեց նոյն տեսակի, թէև փոփոխուած, հոգեկան տպաւորութիւններ. թէ ո՞ր աստիճանի՝ երևում է այն բանից, որ աշխատանք առաջարկողների և սրանց մէջ հոգեկան առանձին ձևեր, օրինակ երազականը, զարգանում են: Մի՞թէ մնացած դասակարգերը այս նորագոյն հոգեկան գիւրազրգուման զրութիւնից ազատ են մնացել: Նոյն իսկ գիւղացիների վերաբերմամբ այս բանը չի կարելի բացարձակօրէն հաստատել, քանի որ փոխանակ դռների վրայ կաւեով հաշիւներ անելու ունին մի մեծ հաշուէմատեան, կարգում են արժէթղթերի մասին եղած յայտարարութիւնները:

նւր մնաց արհեստաւորները, որոնք զործարանի արդիւնաբերութեան արագութեան մի մասը իրենց էին գրաւել: Իսկ մաււորականները. հէնց սրանց շրջանում դիւրագրգռութիւնը աճում է հոգեպէս նուրբ և միաժամանակ հիւսնադալին աւերիչ ծեւերով:

Այս դիւրագրգռութիւնը մի նոր բան է. սա սօցիալ-հոգեկան աններդաշնակութեան մի ծեւ է, որ առաջներում չկար. անձնականութեան, զգայնութեան և ռօմանտիզմի առաջին շրջանի աններդաշնակ ծեւերը չնայելով իրենց ընթացքի տիպիկ նմանութեանը, ներքուստ սրանից տարբեր են: Նորագոյն սօցիալ-հոգեբանական անհատական ամենանուրբ և գրաւիչ խնդիրներից է երկուստեք ունեցած պատմական նիւթերի ընդարձակ համեմատութեամբ որոշել երկուսի մէջ եղած միջև իսկ ամենափոքր տարբերութիւնը:

Մինչդեռ անչափ մեծ նոր գրգիռների տպաւորութիւնների ազդեցութեան տակ խիստ որոշ նոր հոգեկան դրութիւն առաջ եկաւ, իր հերթին սա էլ բնականաբար ազդեց նոր կուլտուրական տարրեր առաջ գալուն: Այս ժամանակը նորագոյն հոգեկան կեանքի անցումն է, եթէ ի նկատի ունենանք անձնականութեան առաջին շրջանի հոգեկան կեանքի վերջին երևոյթները, վերջին դարի 30-ականից մինչև 60-ական թուականների բնական և հոգեկան գիտութիւնների իրական ուղղութիւնը, չեզելից յետոյ եղած փիլիսոփայութիւնը տարածողներին, այլև Ռուբէնսի և Ռէմբրանդտի նկարչութեան երանգաւորումը, քրնարերգութիւնը, ուսուցչապետների ռօմանը և Ֆէլէտօնիստական ոճը, բանաստեղծութեան մէջ Պաուլ Լինդաուի թատրոնը: Ամենից առաջ երևակայութեան զործունէութեան մէջ սա անցումն է գէպի ազատ լոյսի զործածութիւնը նկարչութեան մէջ և գէպի իմպրէսսիօնիզմը (ուժեղ տպաւորութիւններ առաջ բերող ուղղութիւն):

70-ական թուականներից սկսած այս շարժումները հաստատ, պարզ և վճռական, ապա յեղափոխական և վերջապէս 80-ական թուականներին յաղթական ճանապարհով հաստատում են գերմանական հողի վրայ: Մի նոր նասուրալիզմի ժամանակ է սկսւում, որը նախ աշխարհի զուտ արտաքին երևոյթ-

ների մէջ գտնուած է նոր գծեր, նոր կողմեր և նոր արժէքներ. Լիբերմանի և Ուիդէի ժամանակն է. մի նիւթառատ և մինչև այժմ կեանքը այնպէս ճիշտ չնկարող բանաստեղծի ժամանակ է, ինչպիսին է Լիլիենկրօնը, որը 1870 թուի կռուի միակ երգիչն է. նատուրալիստական ռոմանի և ամենից առաջ մանրամասն էսկիզների ժամանակ է: Այն ոգևորութիւնը, որով արտայայտուած էին նախ արաքին աշխարհի անմիջական տպաւորութիւններ, նոյն ոգևորութեամբ գիծուած են հոգեկան, ներքին կեանքին: Փրիլօլօգիական իմպրէսսիօնիզմի հետ 80-ական թուականների վերջին առաջ է գալի և մասամբ սրան քայքայում մի նոր հոգեբանական արուեստ: Այժմ նկարչութեան մէջ սկսում են պարզ տպաւորութիւնների արդիւնք եղող արժէքները առանց շրջագծերի նկարել. այժմ սկսում են պատմութեանը և զրամայում, մինչև այժմ գիտակցութեան մէջ չմտած, բնական զէպքերը ուղղակի նկարագրել կամ թէ լսողների լարումն առաջ բերող զգացումները զրգուելով ստիպել, որ իրենք վերարտադրեն այդ. սկսում է ամենաքաղաքավարի զրգիւնները տուող քնարերգութիւնը: Բանաստեղծի ամեն մի տպաւորութեան համար սրած նկարը կրում է աւելի լաճախ և բաղձօրինակ զրգիւնների տարօրինակ անցումներ, շօշափելիքի գունաւոր տպաւորութիւններ, հնչող հաշակ, ախորժալի խօսքեր: Ազատ լոյսի կատարեալ զարգացման նպատրալիզմի ժամանակն է, լայն վրձինի շարժումներով նկարչութեան նաև ամենաբարձր ձևերին հասնող քնարերգութիւն: Հօֆմանստալի և Ստեփան Գէօրգի, Սկարբինայի և Կիւկլի ծաղկման ժամանակն է:

Ինչպէս երևակայութիւնը, այնպէս և գիտութիւնը ենթարկւում է նոր հոգեկան դրութեան: Մինչև այժմ անծանօթ լարուած նետրդերով սկսում են գիտողութիւններ անել բնադէտը և հոգեբանը. պատմաբանը խորասուզուած է եղակիի զարգացման և անհատական կեանքի խորքերում, ձգտում է նուրբ անհատական-հոգեբանութեան բնութագրութեան տէրը դառնալ: Այժմ զեղարուեստական նատուրալիզմին ամենից մօտ է լինում գործադրական գիտութիւնը, թէև ինչպէս Փրանսիայում, Գերմանիայում կատարեալ միութեան չի հասնում. գեր-

մանական կուլտուրան չունի Տէն, մի պատմաբան-արուեստագէտ petits documents-ի, չունի Զօլա, որի համար վէպը կատարելապէս oeuvre scientifique և ժողովածու documents humains-ի պիտի լինի:

Մինչդեռ այսպիսով երևակայութիւնը և բանականութիւնը հիմք ունենալով զրգիռները՝ դործում են, զարգանում, է նաև զգացմունքի ու կամքի կեանքը, հիմք ունենալով նոյն բանը: Այն հանգամանքը, որ յիշողութիւնը նոր զրգիռների ահագին գումարը չէր կարողանում կանոնաւորել, պատճառ եղաւ կենդանի զգացմունքի շարժուելուն. գանդատում էին ընդհանրապէս յիշողութեան ոյժի թուլանալու և նոր սերնդի յիշողութիւնը ծանրաբեռնելուն համար: Մարդ շարունակ զրգուռած դրութեան մէջ էր և այս դրութիւնը նոր նեարդային զրգիռների դրութեան հետ ընդհանրապէս սերտ միանում էր:

Այսպիսով առանձին անձնաւորութիւնների մէջ ծագեց ոչ խորը խանդավառումը. զրգուման դրութիւնները ըստինքեան դառնում են երջանիկ դրութիւններ: Սրանք ուժեղ տպաւորութիւններ առաջ բերող զեղարուեստի ու գիտութեան ազատ զարգացման հիմք դարձան և հասկանալի է թէ ինչպէս էին վերջիներս նրանց բնութագրում և շահագործում: Դժգունացումն մինչև անկարելիութեան տատնան, օբիեկտիվ անգիտակից լինելութիւն, ահա նրանց նշանաբանը. փնտրում էին գունաւոր արուեստաւորումների քնքոյշ գործադրութիւն, հնչիւնների փոքրագոյն աններդաշնակութեան անորոշ վայելումն, ճարտարապետութեան և կահաւորման մէջ մեղմաղմուկ, խօսակցութեան մէջ հիպոստող լուութիւն: Սրանց հետ միասին, իբր հակադրութիւն, որոնում էին երաժշտութեան մէջ ականջ խլացնող աղմուկ, փողոցի կեանքում անասելի աններդաշնակ շարժում, դէմքի ծամածռութիւններ, խիստ հնչիւններ, գործնական ժողովներ լի ճարպիկ օրակարգի թղթերով, որոնց նպատակն է գոհացումն տալ նիւթական պահանջներին. մի պայքար ու ոյժի քաղաքագիտութիւն ամեն տեղ ու ամեն անկիւնում. զուարճութեան չլփացման աստիճան:

Pessimist

(Կը շարունակուի)

ՄԱՏԵՆԱԽՕՍԱԿԱՆ

«Ի»-ի եւ «Վ»-ի ՏԵԽՆԻԿԱՆ

Տարւոյս չունուար ամսից Թիֆլիսում սկսուեց հրատարակուել մի նոր ամսագիր «Արօր» անունով, որի մէջ պ. Ս. Մալխասեանցը մի առաջարկ է անում՝ «Թողնել «ու»-ի հին գործածութեան ձեւը, չհետեւել «ւ»-ի նորամուտ գործածութեան ձեւին, այլ երկուսի փոխարէն գործ դնել «վ» տառը անխտիր ամեն տեղ, բացի այն տեղերից, ուր «ւ» տառը անհրաժեշտ է ու և իւ հնչիւնը պահպանելու համար:

Այդ նոր ուղղագրութեամբ «ւ»-ը գրուում է «եվ», «տիւ»-ը գրուում է «տիվ», «տեսաւ»-ը «տեսավ», «բաւական»-ը՝ «բավական» և այլն: Ուրեմն բառերի կազմութեան ձեւը հիմնովին փոխւում է: Բայց դորա մասին չէ որ մենք ուզում ենք խօսել այստեղ: Մենք կկամենայինք ընթերցողի ու բանասէրի ուշադրութիւնը հրաւիրել մի հանգամանքի վրայ, որի մասին գուցէ չէ մտածել նոր ուղղագրութեան հեղինակը և որ, ըստ մեզ, պակաս էական նշանակութիւն չունի գրելու տեսակէտից:

Յայտնի է, որ ներկայ դարի գիտութեան նպատակն է մարդկային կենցաղավարութեան ամեն խոչընդոտները և առաւպարները հարթել և դիւրացնել որքան կարելի է շատ. կեանքի ամեն ասպարէզներում այդ ուղղութիւնը գերիշխող դեր է ստանձնել. Ֆիզիքական յոժին և ձեռքի աշխատանքին փոխարինում է մեքենական աշխատանքը. այս բոլորը նորա համար, որպէսզի մարդկային չորինուածքը, որ առանց այն էլ մեծ չափով մաւառ և ֆիզիքական սպառում ունի, ինչքան կարելի է քիչ եռանդ, էներգիա վատնէ և աւելորդ աշխատանքների չափը կարճէ:

Գրութիւնն էլ ֆիզիքական աշխատանքների թուին է պատկանում և այն էլ բաւականին յոժ սպառող աշխատանքի: Մեր

տառերի գրելու էւօլիցիան ինքնին արդէն ապացոյց է, որ ժողովուրդը հետզհետէ աշխատել է թեթեւացնել գրելու եղանակը, աւելորդ աշխատանքը կարճել և զրոգ մարդուն ազատել զրութեան սաժանակիր աշխատանք պահանջող ոճից ու ձևից: Երկաթագիրը, այնուհետև՝ աւելի հեշտ գրուող բոլորգիրը, ապա աւելի պարզ ձևը՝ հօտրգիրը, և ի վերջոյ ժթ. դարում ամերիկեան գրութեան մետօդը, որի տարածման վրայ այնքան աշխատեց հանդ. բանասէր Մ. Միանստրեանցը, այս բոլորը միայն մի բան են ապացուցանում, որ մարդկութիւնը աշխատել է զեռ հնում թեթեւացնել մարմնի ֆիզիքական աշխատանքը և աւելի քիչ չարչարանքով ձեռք բերել ցանկացած գրեքեր:

Բայց մարդկութիւնը ի. դարում աւելի ևս առաջ գնաց այդ ասպարիզում. նա աշխատեց նոյն իսկ բոլորովին ազատել ձեռքը գրելու աշխատանքից և նորան տալ մեքենական գործունէութիւն, շատ փոքր մաս թողնելով ձեռքին, նեաւղերին և մկաններին: Այդ նպատակով հնարուեց սղադրութիւնը, որ մարդ թէ արագ խօսողի գրածը կարողանայ արձանագրել և թէ միևնոյն ժամանակ խնայէ մարդուս մկանների ու շղերի շատ գրելուց առաջացրած յաճախակի կծկումներն ու ցնցումները, որոնք վերջի վերջոյ իրանց ծանր ազդեցութիւնն են առնում մարդու սրտի և ուղեղի վրայ:

Այս ուղղութեամբ են մտածում և գործում շատերը և աշխատում նորանոր դիւրութիւններ չարմարացնել թէ գրելու արհեստի և թէ նոյն իսկ տպագրութեան մէջ: Մինչև անգամ մատժողներ կան, որ տպած գիրն էլ որքան հնար է սլուի և այնքան նապաղ տեղ չբռնէ, ինչպէս որ այժմ է, որով թեթեւութիւն լինի ինչպէս տէքի և ձեռքի, այնպէս էլ խնայողութիւն տպագրական ծախքերի համար: Պ. Ս. Լիսիցեանի նախաձեռնութեամբ մենք պատրաստեցինք մինչև անգամ մի տեսակ նշան ա տառի փոխարէն, որ երեք անգամ պակաս տեղ բռնելով տպած թղթի վրայ և երեք անգամ էլ պակաս էնէրգիա պահանջելով գրելու ժամանակ՝ մեծ թեթեւութիւն պիտի պատճառէ շաքունակ դրողներին և առհասարակ զիրք տպողներին: Այդ նշանը ուղղահայեաց մի գիծ է (1)՝ ա-ի երեք գր-

ծիկներին մէկը, որ նոյնպէս իւր պատմութիւնն ունի: Այդ նշանով զրուածքի եօթերորդ մասը պակասում է, ինչպէս ցոյց է տալիս այս օրինակը.

Դրան աւագանին վճռել էր գահ բարձրացնել ոչ թէ ատելի Յազկերտի զաւակներից մէկին, այլ նորա հեռաւոր ազգականներից ընտրել թագաւոր:

Դրն ուզանին վճռել էր գահ բարձրացնել ոչ թէ ատելի Յազկերտի զաւակներից մէկին, այլ հեռաւոր իզգկաններից ընտրել թագաւոր:

Մենք չենք ասում թէ այս նորածնութիւնը անշուշտ կ'ընդունուի ամեն զրագէտների կողմից, բայց, չիշատակելով այս հանգամանքը, ցանկացանք ընթերցողի ուշադրութիւնը հրաւիրել այն բանի վերայ, որ տեխնիքական յարմարութիւնները մեր զրագէտները թողել են վերջին պլանի վերայ և նորանոր զբոսարարութիւններ են ստեղծում, փոխանակ միշտ զէպի թեթեր, տանելին և պարզը առաջնորդելու:

Այժմ ասենք, թէ ինչու մենք գտնում ենք, որ Ս. Մայիսասեանի առաջարկը մեր չիշած դրութեան հակապատկերն է ներկայացնում և փոխանակ պարզելու մեր դրութեան ձեւը՝ աւելի դժուարացնում է այն:

Յայտնի է, որ մատների ծայրերում գտնուում են նեարդալին մաղածն թելեր, որոնց միջոցով և կից մկաններով կատարւում է ամեն մի շարժում զրելու ժամանակ. այդ շարժողութիւնները հաղորդւում են ուղեղին և աղբում են նաև սրտի վերայ. որքան շատ անգամ շարժուին մատները, այնքան աւելի շուտ են յոգնում նոքա: Ուրեմն ցանկալի է, որ այդ շարժումների թիւը որքան կարելի է քիչ լինի:

Յայտնի է նոյնպէս, որ և տառը գրելու համար մենք պէտք է երկու շարժում կատարենք, այն է՝ մի անգամ մէջտեղից ներքև հիմնական զիծ անցկացնենք և մի անգամ էլ ներքևից վերև՝ նորա շարունակութիւնը կազմող մաղալին զիծը գրենք. իսկ վ տառը գրելու համար մենք այդ երկու փոքրիկ գծիկների վե-

րայ պէտքէ աւելացնենք զարժեալ երկու՝ և տառից ճիշտ երկու անգամ աւելի երկար գծեր*), մէկը վերեւից մինչև ներքև՝ հիմնական գիծ անցկացնելու և մի անգամ էլ ներքևից վերև՝ մազաւոր գիծը գրելու։ Ուրեմն և տառը գրելը երեք անգամ պակաս աշխատանք է պահանջում՝ քան վ տառ գրելը։ Եւ որովհետև գրուածքի մէջ ամենից շատ դորժածուող տառերից մէկը և տառն է, ապա ուրեմն ւ-ը վ-ի փոխելով՝ գրելու աշխատանքն էլ ըստ այնմ աւելանում է։

Մենք հաշուեցինք, որ 100 երեսանոց մի գրքի մէջ միջին թուով 4000 այնպիսի ւ կայ, որ, ըստ Մալխասեանի, վ-ի պէտք է փոխուի, ուրեմն 100 երես գրելիս այդ նոր եղանակով պէտք է 8000 աւելորդ կրկնագիծ (հիմնական և մազաւոր) գրել, որ պահանջում է առնուազն 6 ժամ ժամանակ։

Ի՞նչ օգուտ պիտի ստանայ զրոյ մարդը ւ-ի տեղ վ գործածելուց՝ առ այժմ զեռ մուլթն է այդ։ Իսկ բոլորովին պարզ է, որ նա այդ նորաթուխ մետօդով ամեն մի 100 երես գրելու համար պիտի կորցնէ աւելորդ 6 ժամ ժամանակ և 8000 անգամ աւելի պիտի շարժուին նորա նետրդային հիւսուածներն ու մկանները, որ մարդկային էներգիայի միանգամայն աւելորդ կորուստ է։

Գիւտ ա. Բ. Ազանետեց

*) և գրուում է մէջ տեղի երկու տողերի մէջ, իսկ վ-ի հիմնական գիծը ամբողջ 4 տողերի վերայ, և նորա մազաւոր գիծը ներքև երկու տողի վրայ. ուրեմն վ տառը իւր հասակով ճիշտ երկու անգամ մեծ է և տառից։

ԱՄՍՈՒԱՅ ՏԵՍՈՒԹԻՒՆ

ԵՊԻՍԿՈՊՈՍԱՅՈՒՆԵՐԻ ԽՆԴԻՐԸ

Կ. Պօլսի հայ լրագիրները հաղորդում են, որ Պօլսի պատրիարքարանը կազմում է եպիսկոպոսանալու վարդապետների անուանացուցակը: Այդ խնդիրը մեծ իրարանցում է առաջ բերել Կ. Պօլսի լրագիրների մէջ, որոնցից «Կավոզ» ծաղրաթերթը «օրօրոցային եպիսկոպոսություններ» վերնագրով խիստ զաւեշտական յօդուած է դետեղել, իսկ «Բիւզանդիոն»-ի մէջ տպուած է Արշ. Ալպոյաճեանի «Եպիսկոպոսացման հապճէպ» վերնագրով առաջնորդող յօդուածը, ուր ամենախիստ կերպով դատապարտում է Պօլսի պատրիարքարանը, որ «ծիծաղելի փութկոտութեամբ և տարօրինակ անտարբերութեամբ» սկսել է եպիսկոպոսական ցանկի մէջ մտցնել երիտասարդ և դեռ թեմերում չծառայած կտմ անուանարկուած վարդապետներին, իսկ անուշադրութեան մատնել երկար տարիների անբիծ և անձնուրաց ծառայութեամբ վաղուց արդէն արժանաւոր համարուածներին:

Յայտնի է, որ եպիսկոպոսը մեծ քահանայ է, առանց որևէ տարբերութեան քահանայի կոչումից, միմիայն նորա պաշտօնը հովուական է. եպիսկոպոսութիւնը առհասարակ թեմականների իրաւունքն է համարուել, թէպէտ պատմութիւնը մեզ բազմաթիւ օրինակներ է տուել, որ թեմակալ լինելու իրաւունքը միմիայն Եպիսկոպոսներին չէ պատկանում, այլ առհասարակ թէ մեծ և թէ պարզ քահանաներին: Եւ ոչ այսչափ միայն, այլ առաքելական Կանոնը նոյն իսկ պատուիրում է, որ քահանայապետ և գլխաւոր նշանակեն քահանաներից ընտրեալներին և անարատներին.

«Կարգեցին առաքեալք և եղին հաստատութեամբ, եթէ 'ի կարգէ քահանայութեան ընտրեալքն, անարատքն և որ սուրբ ի մամոնայէ իցեն, օրինաց և կարգի եկեղեցւոյ հմուտք, եթէ և յանարգաց ոք իցէ, 'ի քահանայապետութիւն և 'ի գլխաւորութիւն կացուցեն» (Առաք. Ի. Ի.):

Ստոյ բ. Ժողովի կանոնները ուղղակի հրամայում են, որ Եպիսկոպոս պէտք է ձեռնադրել անպատճառ գիտնական մարդ և թեմի կամքով և ոչ թէ որևէ պատրիարքարանի ցանկութեամբ,

որ կարող է հիմնուած լինել զանազան անձնական և այլ հաշիւների վերայ:

«Այսուհետեւ արժանաւորքն միայն և գիտունքն առցեն դաստիճան եպիսկոպոսութեան, մեծաւ քննութեամբ և վկայութեամբ, և թեմին կամակցութեամբ առանց կաշառաց, հասակաւ մի պակաս քան ղերեսուն տմն»: (Ստյ Բ. ժող.ա. ա.):

Այս կանոններից պարզ երևում է, որ եպիսկոպոս ձեռնադրելու համար նախ և առաջ հարկաւոր է մեծ գիտութիւն և պատրաստութիւն, արժանաւոր վարքի հետ, և ապա երկարամեայ ծառայութիւն թեմի ժողովրդեան, որի կամակցութիւնը կամ բարի վկայութիւնը պահանջում է եպիսկոպոս ձեռնադրուելու համար:

Բայց Կ. Պօլսի պատրիարքարանը ներկայումս կազմել է եպիսկոպոսացունների մի ցուցակ, որոնք, ըստ «Բիւզանդիոն»-ի, մեծ մասամբ չունին եկեղեցական օրէնքներով գծուած պայմաններից մէկը կամ միւսը և ուրեմն դեռ շատ վաղ է նոցա եպիսկոպոսացումը:

Կազմուած ցուցակի եպիսկոպոսացուններից միակ վարդապետը Գնէլ Գալէմբարեանն է, որ երբեմն Մշոյ առաջնորդ է եղած և բարեոք պաշտօնավարութեամբ, բայց նա էլ այժմ կրօնական ժողովի անդամ լինելով՝ ոչ մի իրաւական ընծայագիր չունի եպիսկոպոս ձեռնադրուելու: «Դուռի կամ պատուհանի վրայ ձեռնադրուելու քաջջուր դրութեամբ իր եպիսկոպոսացունին իրեն ալ պատուաբեր չի կրնար ըլլալ» ասում է «Բիւզանդիոնը»:

Ներկորդ եպիսկոպոսացունն որոշուել է՝ պատր. փոխանորդ Ղևոնդ Մ. Վ. Դուրեանը, որ բացի այն, որ ոչինչ առանձին նպաստող հանգամանքներ չունի եպիսկոպոսացման համար, ընդհակառակը այնպիսի պարագաներ կան, որոնք ուղղակի արգելք են նրա եպիսկոպոսանալուն: Նախ նա անփորձ երիտասարդ է, որի անփորձութեան թարմ օրինակները դեռ չեն մոռացուել տաճկահայերի յիշողութիւնից: Գաղթականների անունով 6—7000 ոսկիների (6—70,000 ռ.) բաշխում կատարուեց պատրիարքարանի մէջ ազատութեան յաջորդող առաջին օրերում Ղևոնդ վարդապետի և գաղթականաց յանձնաժողով անունով մի մարմնի ձեռքով, որի հաշիւը մինչև այժմ չկայ: Ասում են այդ գումարից հազիւ 2000 ոսկի է բաժանուել գաղթականներին, մնացեալ 4000 ոսկին (40,000 ռ.) կորել է կամ անյայտ է թէ ինչպէս է բաժանուել, մի գաղտնիք, որ կարող է լուծել Ղևոնդ վարդապետը, բայց կատարեալ լուրեր չեն ելնում:

Սեբաստիոյ առաջնորդը հրաժարուել է և հրաժարուածին ոչ

մի թեմ եպիսկոպոսութեան վկայական չի տայ, բայց մտել է եպիսկոպոսացուների ցուցակի մէջ. նոյնպէս անկանոնութիւն:

Կարինի առաջնորդը իր աթոռի վրայ հանգիստ չէ և ուզում է Շապինգարահիսար վերադառնալ. ո՞ր թեմը պէտք է եպիսկոպոսական վկայական տայ. յայտնի չէ:

Դիարբէքիւրի և Անկիւրիայի առաջնորդները մի քանի ամիս է միայն պաշտօնի են մտել, դեռ թեմը կարգին նոցա երեսը չէ տեսել և պատրիարքարանը նոցա մտցնելով եպիսկոպոսացուների ցուցակի մէջ՝ հարկադրում է թեմերին եպիսկոպոսութեան վկայականներ տալ նոցա, որոնց դեռ չի էլ ճանաչում կարգին:

Արմաշի վանահայրութիւնը պարզ վանահայրութիւն է և ոչ թէ հովուական պաշտօնէութիւն, մինչդեռ այնտեղի վանահայրը մտել է ցուցակի մէջ:

Դրիպորիս վարդապետ Պալաքեանը նոր է ընտրուել Ռումանիայի և Բուլղարիայի առաջնորդ, դեռ պաշտօնի չէ մտել, գուցէ շատ արժանաւոր, մենք չգիտենք, սակայն անպաշտօն, չծառայած և շատ երիտասարդ, պէտք էր ուրիշն սպասել, որ նա պաշտօնի մէջ իւր արժանիքները գործով արդիւնաւորէ և ապա եպիսկոպոսանայ: Սակայն մտել է ցանկի մէջ:

Միայն Երուսաղէմի պատր. տեղապահն է, որ 'ի պաշտօնէ իրաւունք ունի եպիսկոպոս ձեռնադրուելու:

Կարծեօք բոլոր յիշած վարդապետները իբրև պատգամաւոր վերջին կաթողիկոսական ընտրութեան եկած էին էջմիածին:

Այս ցանկը, ասում է յօդուածագիրը, մի անգամ ևս «դժբաղտաբար դալիս է հաստատուել ժողովրդի այլևայլ խաւերի մէջ տարածուած այն զրոյցը, թէ պատրիարքարանի արդի վարչական և մատակարարական գործերի մէջ տիրապետող ոգին վերին աստիճանի թոյլ է և զանազան ազդեցութիւններ, ազդականականն ու բարեկամականն էլ հետը, դեր կկատարեն հոն»:

Ազդականութիւն և բարեկամութիւն... շատ ծանր խոհեր են թելադրում այս երկու բառերը մեզ. ո՞ւր ներկայումս և ո՞ր ասպարիզի մէջ դեր չեն կատարում այս երկու պարագաները. բայց ո՞ւր և դեր խաղային դոքա, յամենայն դէպս երբէք դեր պիտի չխաղային այնտեղ, ուր եկեղեցական բոլոր կանոնները խստիւ արգելում են եպիսկոպոսի և առհասարակ հոգևորականի ընտրութեան ժամանակ առաջնորդուել ոչ բարեկամութեամբ, ոչ ազդականութեամբ և ոչ մամոնայով:

Մանաւանդ մեծ զգուշութիւն է հարկաւոր գործ դնել եպիսկոպոսացուի ընտրութեան խնդրում, որովհետև հայոց ներկայ կեանքում եպիսկոպոսը ամեն ինչ է, նորա անձնաւորութիւնից կախում

ունին դպրոցական բոլոր դորձերը, նա է ուղղութիւն տալիս ուրեմն աճող սերնդի դաստիարակութեան. չնայելով որ նա նոյնպիսի մի քահանայ է, ինչ որ ամեն մի քահանայ, բայց նա ըստ օրինի տէր է հանդիսանում բոլոր քահանաների և առհասարակ հոգեւորականութեան վրայ և նա է կազմակերպում հոգեւորականութիւնն ըստ իր քմահաճոյքի և ցանկութեան. տէրութիւնների աչքում մի եպիսկոպոս, ինչքան էլ սա տգէտ, կաշառակիր և ամեն պակասութիւններով ապականուած մէկը լինի, շատ աւելի մեծ կշիռ ունի, քան հազար կրթուած ու արժանաւոր քահանայ: Նոյն իսկ մեր ժողովրդի աչքում եպիսկոպոսը մի խոշորութիւն է, իսկ քահանան մի նուաստութիւն, մի «տէրտէր», ուրի մասին ամեն ինչ կարելի է ասել, իսկ եպիսկոպոսին պարտաւոր է մեծարել, լինի նա արժանաւոր այդ պատուի թէ ոչ, եւ այդ արտայայտում է նա ամեն կերպ. վերցրէք հէնց վարձատրութեան ձեւը. միեւնոյն աշխատանքի համար ժողովուրդը քահանային վճարում է 3 ռուբլի, իսկ եպիսկոպոսին 300 ռուբլի, թէպէտեւ շատ լաւ գիտէ, որ այսպիսի խոշոր գումարները ոչ մի բանի չպիտի ծառայեն:

Տեսնում էք ուրեմն, թէ ինչ բան է եպիսկոպոսը: Մի մեծութիւն թէ պետութեան, թէ եկեղեցու և թէ ժողովրդի աչքում: Եթէ այս այսպէս է, ապա ուրեմն սրբան մեծ ընտրութիւն և զգուշութիւն պէտք է գործ դնուի եպիսկոպոսացուի ընտրութեան ժամանակ, մանաւանդ որ այդ կոչումը ցմահ է և չէ փոփոխւում:

Ձայրանալ պէտք է ուրեմն, որ Կ. Պօլսի պատրիարքարանը այսպիսի թեթեամտութեամբ է մօտենում այդ ծանրակշիռ խնդրին և ոչ պահանջուած խորագիտութեամբ. բարեկամական և ազգականական հաշիւներով և ոչ՝ օրինապահանջ անաչառութեամբ:

ԽՄԲԱԳՐՈՒԹԵԱՆ ԿՈՂՄԻՑ

Խմբագրութեանս մէջ ստացուել են մի քանի յօդուածներ Թիֆլիսի վանքի եկեղեցու քահանաների միաբանական դրամարկդից կատարած փոխառութեան, Կովկասի Հայոց բարեգործական ընկերութեան անհոգութեամբ կորստի մատնուած Բաստրմաճեանի կտակաւանդեալ գումարի, թեմիս ս. առաջնորդի նախագահութեամբ գոյութիւն ունեցող նպաստամատոյց յանձնաժողովի 50,000 ռուբլի գումարի կասկածելի վիճակի և մի քանի այլ դրամական խնդիրների մասին:

Այդ յօդուածները, մի քանի հանգամանքների պատճառով, չկարողացանք զետեղել այս համարում, այլ ֆնացին առաջիկային: Բայց չենք կարող մի երկու խօսք չասել յիշեալ յօդուածների մէջ արտայայտուած մի քանի մտքերի առթիւ:

Յօդուածագիրները ընդհանրապէս բողոքում են, թէ ինչո՞ւ մենք չենք մասնակցում ընդհանուր վիճաբանութեան և չենք բողոքում, որ այս և այն մասնաժողովներ իրանց ձեռքն ունենալով հասարակական ահագին գումարներ՝ զլանում են նոյն իսկ կարգին հաշիւ տալ հասարակութեան և գէթ ցոյց տալ, թէ որ հաստատութիւնների մէջ են պահւում իրանց գանձերը, կամ ինչո՞ւ չենք բողոքում, որ Կովկասի հայոց բարեգործական ընկերութիւնը իր անփութութեամբ կորցնելով կտակաւանդած հազար գումար՝ դեռ նրանց ղեկավարները հասարակութեան յարգանքն ու համակրութիւնն են վայելում:

Որովհետեւ այդ խնդիրները նոր լուսաբանութիւններով են հանդէս գալիս յիշեալ յօդուածների մէջ՝ ուստի և մենք կթողնենք, որ յօդուածները իրանք խօսեն հասարակութեան հետ:

Այդ յօդուածների մէջ յիշուած է մի բան, որ իբր հոգեւոր իշխանութիւնը զեկուցել է կառավարութեան, թէ քահանաները զիջում են գործել (11??), մի քանի հարիւր ուղբիւններ իրանց զրամարկղից պարտք վերցնելով, որի կէսն արդէն վճարուած է: Իրաւ շատ հետաքրքրական լուր է այս:

Ասեմք մի կողմից մենք չենք էլ զարմանում որ այդպէս լինի. մեր հոգեւոր իշխանութեան համար ոչխարի գլուխն ու քահանայի գլուխը մէկ է. լինի նա բազմամեայ ծառայած ազգային հաստատութիւններին, եկեղեցուն և մայր Աթոռին անձնուիրութեամբ և նիւթական օժանդակութեամբ. բաւական է որ առաջնորդի մէկին այս ինչ քահանայի կերպարանքը հաճելի չլինի կամ իր պատկանած կուսակցութեան չյարի, մի չնչին պատճառ է պէտք նրան ոչնչացնելու: Մեր ձեռքին գտնւում է Մագիստրոս Տ. Գաբրիէլ Պատկանեանցի եռահատոր ինքնակենսագրութիւնը, որի մէջ պէտք է կարդալ, թէ ինչ չնչին, անհիմն և նոյն իսկ ամօթալի պատճառներով Ներսէս Աշտարակցին քահանայութիւնից զրկեց, որ տարաւ հասցրեց նրան մինչև Վեատկա աքսոր: Մենք երբէք չենք զարմանայ, եթէ նոյնը պատահի և այս լուսաւոր XX դարում:

Բայց խմբագրութիւնս, մի հարց ունի տալու յարգելի յօդուածագրին.— եթէ քահանաներին իրանց զրամարկղից փոխառութիւն վերցնելու համար կարելի է իբրեւ զեղծարար ներկայացնել կառավարութեան, հապա ի՞նչ պիտի անուանել նպաստամտոյց Յանձնաժողովի ամբողջ կազմը, որը չէ պարզում հասարակու-

թեան, թէ ուր են պահուում նորա զրամարկդի մի քանի տասնհազ հազարները (կարծեօք 50,000 ուղբլին): Իսկ ինչ որ գաղանի է՝ նա միշտ կասկածի ենթակայ է:

Լ ՈՒՐ Ե Ր

Նիւ-Եօրկում կազմուել է հայասէր-ամերիկացիների ընկերութիւն Armenian Relit Assosiation անունով, որի նպատակն է օգնութեան հասնել Տաճկաստանի կարօտաւոր հայերին: Ընկերութեան նախագահն է Նիւ-Եօրկի եպիսկոպոս Taewid Krayr, առաջին փոխ-նախագահը Նիւ-Եօրկի նահանգապետը: Ընկերութիւնը կոչ է հրատարակել ամերիկացի ժողովրդին-օգնել կարիքից ու սովից ոչնչացող Թիւրքիայի հայերին:

Ինչպէս երևում է՝ Դաշնակցութեան գործի քննութիւնը ընդարձակ ծաւալ է ստանում. «Տ. Ս.» գրում են էջմիածնից, որ Նովոչերկասկի նահանգական դատարանի դատական քննիչ Լի-ժինի հաղորդագրութեամբ մարտի 18-ին էջմիածին են գնացել Երևանի նահանգական դատարանի կարևոր գործերի քննիչը և նոյն դատարանի դատախազը և պահանջել են Վեհ. կաթողիկոսի դիւանից նայելու համար հանգ. կաթողիկոսի վերջին չորս տարուայ կոնդակները: Քննիչը վերցրել է նաև ճեմարանի 1905—1906 թնկերի ելումտից մատեանները:

Ամսոյս 23-ին Թիֆլիսում վախճանուեցաւ 90 տարեկան հասակում Լազարեան ճեմարանի հայկաբանութեան և պարսից լեզուի նախկին ուսուցիչ Ոսկան Յովհաննիսեանցը: Հանգուցեալը յիսնական թուերին Մոսկուայում հրատարակեց մի շարք հայ պատմագիրներ—Կիրակոս, Սմբատ և Ստեփանոս Օրբելեան (ոչ ամբողջ պատմութիւնը), նոյնպէս և «Նոր քնար հայաստանի» անունով մի քանի պրակ աշուղների երգեր: Երբ որ «Արձագանք» լրագրում մղում էր մի մեծ բանակուի պրօֆ. Եղիազարեանի և պր. Գր. Խալաթեանի մէջ հանգ. պրօֆ. Մ. Էմինի թողած անտիպ գրաւոր աշխատութիւնների մասին, Ոսկան Յովհաննիսեանը հրապարակ եկաւ մի ընդարձակ յօդուածով այդ խնդրի վերաբերեալ:

Ամսոյս 28-ին վանքի եկեղեցում կարդացուեց Վեհ. Հայրապետի անդրանիկ օրհնութեան կոնդակը և այդ առիթով քա-

ըող խօսեց թիմիս ս. Առաջնորդը՝ հրաւիրելով ժողովրդին օգնութիւն հասնել Աղանային կարօտաւորին: Գովիլի է սրբ. Առաջնորդի վառ սէրը ղէպի կարօտեալ հայերը: Եւ մենք մի առաջարկութիւն ունինք անելու այդ առթիւ: Քանի որ նպաստամատոյց Յանձնաժողովը գոյութիւն է առել հէնց այդպիսի կարօտեալներին օգնութիւն հասցնելու համար՝ աւելի յաւ կլինէր Յանձնաժողովի մօտ գտնուած խոշոր գումարը ամբողջութեամբ և օր առաջ ուղարկել կարօտեալների պէտքերը հոգալու համար:

Գրիգոր Նիկողոսեանը «Հովիւ»-ի 11-դ համարում գրում է՝ ի միջի այլոց այս նշանաւոր յայտնութիւնը, որի վրայ հրաւրում ենք Ազգիս վեհ. Հայրապետի և թեմիս ս. առաջնորդի խորին ուշադրութիւնը: «Խիստ ծանր և ճնշող տպաւորութիւն գործեց Պ. Բուրգի հայ զաղութի առաջաւոր մարդկանց վրայ օտարադաւան հոգևոր գործերի ղեկարտամենտին՝ վանքի ա. եկեղեցու միաբանութեան մասին արած անհիմն մատնութիւնը, որով կառավարութեան և հայ ազգի մէջ բանասարկուի և խառնակչի նսիմ զերը կատարողը հէնց իրանք հայ հոգևորականներն են»: Այս յօդուածին խմբագրութիւնը ծանօթութեան մէջ աւերացրել է. «յարգ. յօդուածագիրը տալիս է մի քանի անձանց անուններ, որ մենք անյարմար ենք համարում առաջ բերել»:

ՆԱՄԱԿ ԽՄԲԱԳՐՈՒԹԵԱՆ

Իմ «Մշակ»-ում և «Սուրհանդակ»-ում տուած բացատրութիւնից զոհ մնացին բոլոր լարեմիտ և լուրջ մարդիկ: Այդ բացատրութիւնը, ինչպէս որ հարկն էր սպասել, պրզուել է սագերին, որոնք այժմ ծածկանունների տակ թաք կացած վարագուրի ետեւից նորից խառնակում ու քրքրում են այդ խնդիրը, որպէս զի դորանով հասարակաց ուշադրութիւնը հեռացնեն խոշոր խոշոր զեղծումներից:

Ես իմ վերջին խօսքը ասել եմ թէ ս. Առաջնորդին և թէ մամուլին և իմ օրինական կերպով կատարած փոխառութիւնից մընացած մի քանի հարիւր ուրբլի պարտքս իմ ընկերներին՝ յանձն է առել վճարել մի յայտնի ֆիրմա, որով իմ հաշիւը գոցուած է վաղուց: Իսկ եթէ զանազան ինտրիգաններ զեռ գոհ չեն իմ բացատրութիւնից, անշուշտ նսրա մէջ տեղանելով իրանց ապականուած պատկերը, այդպիսիները կարող են գիմել դատարան, որին են-

թարկուում են օրէնքով բոլոր դրամական հաշիւների քննութիւնները, և ուր դատուել են անխտիր թէ քահանաներ և թէ նոցանից բարձր հոգևոր պաշտօնեաներ:

Գիւտ. Աղաճեան

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

Մոսկուա. Ա. Շ.—Սուքիաս արքեպիսկոպոսի ծախքով հրատարակուած «Ագաթանգեղոս» գրքի մասին Ձեր ուզած տեղեկութիւնները չենք կարող հաղորդել, որովհետև այդ գիրքը մենք աչքով էլ չենք տեսել և զաղափար չունենք նրա մասին: Դիմեցէք Ս. Մալխասեանցին:

Բազու.—Ա. Տ. Թերթիս խմբագրի յայտարարած գրքոյկը մի փոքր կուշանայ, որովհետև ընդարձակ ծաւալ ստացաւ:

Կարս.—Դ. Ձեր յօդուածի տպագրութիւնը յետաձգուեց, որովհետև յօդուածի մի մասը ուղարկել էիք մատիտով գրած և գրեթէ անընթեռնելի, իսկ տպարանի համար պէտք է պարզ գրել անպատճառ թանաքով և ցանկալի է՝ մի երեսի վրայ: Յառաջաւոր Ձեզ յետ ուղարկեցինք, որ պարզագրէք:

Բազու. մեր գործակալին. «Բագուի» բոլոր նոր բաժանորդներին ուղարկեցինք «Լումայ»-ի այս տարուայ բոլոր համարները:

Շարունակւում է 1910 թ. բաժանորդագրութիւն

ԳՐԱԳՐՈՒՄ—ՀԱՅԱՍՏԱՆԻ ԳՐԱԳՐԱՆԵՐԻ ԴՐՈՒՄ
„ԼՈՅՍԻ“ ԾԱՌԱՅԱՐԱՐՈՒՄԸ

«ԼՈՅՍԻ» ՆՊԱՏԱԿՆ է՝ կապ հաստատել Նոր-Նախիջևանի, Հիւսիսային Կովկասի, Խրիմի և ընդհանրապէս Ռուսաստանում ցրուած հայ գաղութներու միջև, մասնակից անելով նրանց ընդհանուր հայկական կեանքին:

«ԼՈՅՍԻ» ԲԱԺԱՆՈՐԴԱԳԻՆԸ.—Ն. Նախիջևանի, Ռուստովի ու շրջակայ հայ գիւղերի համար տարեկան՝ 3 ռ., կէս տարին՝ 2 ռ., 3 ամիսը՝ 1 ռ.: Ռուսաստանի այլ տեղերի—տարեկան՝ 4 ռ., կէս տարին՝ 2 50 կ. և ամիսը 1 ռ. 50 կոպ.: Արտասահմանի համար—տարեկան՝ 6 ռ. կէս տարին՝ 3 ռ.: Համարն ամեն տեղ արժէ 10 կոպ.:

Ընդունում են յայտարարութիւններ ձեռնտու պայմաններով բոլոր լիզուներով.—տողատեղին I երեսում 20 կ., վերջին երեսներում՝ 10 կոպ.:

Հասցէն Нахичевань на Дону, редакция армянскаго журнала „ЛУЙСЬ“ Խմբագիր-նրատարակիչ՝ ԲԺ. ԳԷՈՐԳ ԻԵԻՉԵԱՆ.

Открыта подписка на 1910 годъ

на большую ежедневную, литературную, политическую
и общ. газету

IX годъ изданія

БАКУ

IX годъ изданія

Газета выходитъ въ объемѣ и по программѣ большихъ столичныхъ газетъ, подъ общею редакціей Х. А. Вермишева, при ближайшемъ участіи Минаса Берберьяна, Г. Е. Старцева, [Ант.] С. Айвазова, Б. Г. Перлина и др. постоянныхъ сотрудниковъ редакціи.

Кромѣ того газетѣ «Баку» общали свое сотрудничество: Ю. А. Веселовскій, Дагестани, Магистрантъ, Я. А. Манандянъ, кн. Г. М. Тумановъ, В. Ө. Тотомянцъ и др.

Подписная цѣна съ доставкой и пересылкой

	ГОДЪ	6 МѢС.	1 МѢС.
Для иногородн.	8 р. 50 к.	6 руб.	1 р. 50 к.
Для городскихъ	7—	4—	1—

Заграницу 15 руб. на годъ и 8 р. на полъ года.

Адресъ Баку, редакция газета «Баку»

15-7 Տ Ա Ր Ի
ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 թվուի

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳՐԻ

1910 թուին Լուսման լոյս կը տեսնի իւր այժմեան
դիրքով, բաղկացած 64—80 երեսներէց, մեր մշտական
աշխատակիցներին գործակցութեամբ: Ինչպէս միշտ, հար-
կաւոր դէպքերում, կտրուեն պատկերներ հասարակական
երևոյթների առթիւ:

1910 թուի «ԼՈՒՄԱՅ»ի ԿԱՆԽԻԿ ՎՃԱՐՈՂ Բա-
ժանորդները կստանան իբրեւ ՊՐԷՄԻԱ

Ե Ղ Ի Շ Է Ի

ՎԱՐԴԱՆԱՆՑ ՊԱՏՄՈՒԹԵԱՆ
աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան 6 ռ., կէս տ. 4 ռ.
Արտասահման „ 8 „ „ 5 „
ՈՒՍՈՒՑԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.